

山西醫改進研究會

民國十六年六月

中華民國十六年六月
號誌為新聞紙類

醫學雜誌

第三十七期

南京圖書館藏

本雜誌啟事

凡訂閱本雜誌者望先寄費空函訂購恕不作覆

代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編人雜誌之稿件每一稿奉贈雜誌一冊如一期之內登兩三稿亦祇寄送一冊
- 一 凡永久贊助本會特別熱心或贈送書籍諸君本會按期寄送一冊
- 一 投寄稿件務請繕寫清楚圈點句讀
- 一 收受各稿本編緝處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感綴

醫學雜誌第二十七期

目錄

本會另行編審同人錄

附設醫院十六年三月分中西醫診治

人數及比較表

專著門

靈素生理新論 楊如侯先生著 續三十六期

論說門

中國醫學沿革概論 續 楊煥文

修正傷寒論文之商榷 續 費澤堯

深研中西醫學原可溝通論 張錫純

纂述門

〔生理類〕

精神之原始

薛復初

三焦之研究

梁秉鈞

先天後天之研究

李思佩

〔衛生類〕

書四氣調神論四季應養法 張汝偉

張粟庵先生存書 續

〔病理類〕

纂輯中西解剖病理 沈仲圭 續

論肢體痿廢之原因及治法 張錫純

三陽表裏界限之說畧 薛復初

傷寒三陽亦有寒證三陰亦有熱證

611160



說

月事專主脾胃說

前 人

脫汗

魏宗岱

五勞七傷六極之研究

前 人

〔診治類〕

〔診類〕

切脈大要

楊星垣

南北政歲有脈不應指之研究

薛復初

〔治法〕

治病序例

〔治療各稿〕

水腫脚氣之治療

李思侗

吐血証之經驗良方

薛復初

血淋溺血病源及治療

米煥章

痢疾宜重用黃連

程 哲

肝強肺弱証治療

劉蔚楚

女科著邪內陷瘕厥証治愈周小農

產科血暈變臍突腹鼓治愈前 人

〔藥物類〕

煎藥法之研究

米煥章

服藥法之研究

前 人

論成藥之弊

前 人

醫案門

古今醫案平議

張壽頤

雜俎門

祝由科

通訊門

吳興中醫協會章程 附錄

譯叢門

近年來西醫採用之中藥 續 費澤堯

星期徵稿選刊

中風傷寒熱入血室

曹享泰

問病證

景開基

鍼灸討論會治法選刊

內經鍼灸多於湯藥之研究 李思侗

難經東方實西方虛瀉南補北之研

究

前人

第三十七期

二

輓楊如侯先生

理事長楊階三

岐黃古義銷沈久靈素新編著述遲萬卷圖書勤博覽一生心血苦深思神疲學案催刊日淚洒醫編絕筆時滿目瘡痍誰療得人亡國瘁更堪悲

前題

理事 趙意空

從歷代醫家說起迄於君曠世無雙道闡軒岐識通中外試看靈素有論氣化有圖色脈有篇學派有案竭畢生之文章經術口為予誦筆為予傳兀兀窮年真能振落發矇明奮理即明新理
痛浹旬禍事紛乘又使我五倫缺二心傷匹偶淚盡知交值茲名教已亡綱常已廢大亂已至浩劫已臨瓶瓦古之變幻離奇耳不忍聞目不忍觀茫茫四顧深羨全歸先死是完人便是福人

本 會 另 行 編 審 同 人 錄

一本會同人於十二年六月第十三期雜誌內另行編審之後

星移物換人事變遷今為第七年雜誌繼續出版之始亟宜

一會內同人第一期編列職員表第十三期但編理事表者以去第一期未遺

也今則為時已久應合會校院三處同人統列一表

一會外同人先後聘為本會名譽理事名譽會員者今仍依先後次序編列其

有多年不通音訊者暫不編入俟通訊再補編

一會內理事有功於本會而已故者另表編列以誌不忘

一同人中寄贈稿件書籍較多且久者每期雜誌出版無論本人本期有無稿

件必寄一冊以盡酬報之誼

一嗣後有陸續投贈稿件但經披露者隨時函聘多多益善

一表內姓名籍貫住址如有誤刊者請函示以便更正



山西中醫改進研究會暨附設醫院同人一覽表

職 務 姓 名 字 籍 貫 通 訊 處

會長 見第一册

名譽理事長 同上

理事 長 同上

醫 會 幹 事 郭自勵 奮齋 山西靈石 山西省城精營東二道街本會

醫 會 幹 事 王鴻遇 少由 山西趙城 本會附設醫校

醫 會 幹 事 趙意空 蹈仁 江蘇上海 本會

醫 會 幹 事 陰慶元 雲林 山西沁源 同上

醫 會 幹 事 劉毓麟 蔭棠 直隸天津 同上

醫 會 幹 事 劉紹堦 伯翁 直隸延慶 同上

醫 會 幹 事 陳觀光 賓卿 山西吉縣 同上

醫 會 幹 事 同上

醫 會 幹 事 同上

醫 會 幹 事 同上

醫 會 幹 事 同上

同	同	理	前 士 事 員	同	同	同	同	同	同	同	同
上	上	事	費澤堯	上	上	上	上	上	上	上	上
武同文	程哲	王者聘	夢萼	李天培	安壽增	楊永超	徐世長	薛復初	壽能模	王嘉猷	梁秉鈞
老良	子溶	就三	浙江湖州	植生	介眉	震西	子久	一齋	守型	奉三	子和
山西平遙	山西崞縣	山西右玉	湖州城南蘇家園五號	山西河津	山西太谷	山東齊東	山西應縣	山西襄陵	浙江杭州	山西平魯	山西定襄
平遙縣城內	山西省城西夾巷十四號			同上	同上	同上	同上	同上	同上	同上	同上
									又杭州梅花碑廿六號		

第三十七期

醫 學 雜 誌

同	同	同	同	同	同	同	同	同	同
上	上	上	上	上	上	上	上	上	上
趙熙	趙彞臣	柳世昌	楊煥文	傅敏中	周家驥	呂伯星	譚正	王鈞	張連魁
緝庵	子忠	琦五	達夫	慧僧	德甫	達生	端甫	周回	聚五
山西代縣	山西陽曲	山西代縣	江蘇泰興	山西汾西	山西崞縣	山西臨汾	山西絳縣	山西聞喜	山西猗氏
國民師範學校	天地壇五十二號	太原導生醫院	山西財政廳	附設醫校	同上	同上	同上	同上	同上

醫

學

雜

誌

第三十七期

六

同 上 楊壽華 念蒼 山西新降 附設醫校

同 上 張書銘 慕渠 山西廣靈 同上

同 上 趙儒珍 子玉 山西解縣 本會

〔會員〕 李思侗 王創業 張崇業 王子建 米煥章 趙可琴 魏宗岱

趙登龍 景開基 任德元 古瑞昌 高維岱 曹亨泰 曹鴻儀 劉恕

李英才 米昀 相里規 張惟通 董華瑞 劉榮 鄭承業 趙俊

衛允如 高步瀛 石泰戩 任古愚 李樾平 劉昭 牛惠善 趙一齋

郭大猷 栗樹屏 宋建家 閻子俊 劉占魁 郭延祧 張燮真 賈宗誼

馮文華 鄭大賓 郭林森 李明道 程守文 趙世昌 張錦榮 郭宗唐

任賢 馮兆乾 梁大嘯 梁明行 原幹堂 馮布棠 張四維 徐世華

郭卿 任福麟 郭九思 賈鴻儒 李鞠珊 董華瑞

本會已故理事

（依先後編次）

趙堅齋先生之定 山西五臺

丁鹿山先生 關泉 湖南

王文階先生 敬銘 河南羅山

邱聖徵先生 絳 湖北黃岡

史倬如先生 漢昭 山西孟縣

王子昌先生 熾 山西河曲

張儼若先生 恩荆 山西平陸

楊如侯先生 百城 江蘇泰興

喬小山先生 尚謙 山西祁縣

本會名譽理事一覽表

姓名 字 籍貫 通 訊

第三十七期

七

處

醫 學 雜 誌

第三十七期

八

丁福葆 仲祐 江蘇無錫 上海靜安寺三十九號

徐尙志 相宸 江蘇 上海北泥城橋塊鴻興里一街

周 鎮 筱農 江蘇無錫 江蘇無錫西門外棉花巷

張錫純 壽甫 直隸鹽山 天津法界廣德里張氏施診所

葛陰春 廉夫 江蘇江都 北京宣外大溝沿四十四號

蕭延平 北丞 湖北 武昌老牙釐局街三十七號

何廉臣 浙江紹興石門楹紹興醫藥報社

包鴻藻 伯寅 江蘇 江蘇蘇州婁門內倉街八十九號

凌 詠 永言 浙江湖州 上海北市浙江路洪德里

馬德基 績熙 江蘇泰興 江蘇泰興縣馬氏醫院

王肖舫 山東 山東諸城縣城內南關街

陳蘭圃 江蘇 揚州城內二郎廟大草巷

醫 學 雜 誌

陸錦燧	晉奎	江蘇吳縣	濟南三馬路東口濟安里十一號
裘元慶	吉生	浙江紹興	杭州城內四牌樓三十九號
沈慶	漢卿		天津東門大費家胡同合濟醫院
袁焯	桂生	江都	江蘇鎮江城外三善巷
陳登山	芷泉		北京中醫專門學校校長
張謇	汝偉	江蘇常熟	江蘇常熟顏港
李本齋	彥生	直隸通縣	廣石家莊前街
陳邦賢	治愚	江蘇	江蘇揚州省立第五師範學校校醫
甯公銳	振青	直隸	
劉峻	筱雲	廣州	廣州安南堤岸埠美荻街南生綢緞店轉
楊雲培	燧熙	江蘇丹徒	鎮江西門五條南街
楊星垣	廷和	山西平遙	平遙縣城內葫蘆肚砭愚書屋

第三十七期

- | | | | |
|-----|----|------|----------------|
| 張國華 | 生甫 | 浙江慈谿 | 寧波慈谿費市鎮 |
| 包錫善 | 農輔 | 浙江吳興 | 南京石壩街劉何廳對門 |
| 張壽頤 | 山雷 | 浙江 | 浙江蘭谿醫學專門學校教務主任 |
| 時逸人 | | 江蘇 | 江蘇儀徵縣十二圩益人醫社 |
| 嚴鴻志 | 癡孫 | 浙江慈谿 | 浙江寧波慈谿東鄉費家市 |
| 高思潛 | | 安徽 | 安徽和縣泰鎮西街 |
| 曹赤電 | 炳章 | 浙江紹興 | 浙江紹興縣西橋和濟藥局 |
| 徐召南 | 韻英 | 江蘇揚州 | 江蘇揚州東河頭 |
| 徐少楠 | 先慎 | 江蘇 | 南匯縣城內鏡德堂 |
| 沈仲圭 | | 浙江 | 浙江杭州上荷花池頭勾山里一號 |
| 王鞠仁 | 一仁 | 安徽 | 上海中醫學會 |
| 葉勁秋 | | 浙江 | 浙江嘉善買魚橋南豐前街 |

陳 杰 幹卿 浙江 上海中醫學會武寄或康城內

傅進賢 再希 江西 江西臨川縣上頓路

王壽芝 蘭遠 安徽黟縣 安徽黟縣四都中光村

惲鐵樵 江蘇楓涇 上海中醫學會

冉劍虹 雪峯 湖北 武昌城內黃土坡街中醫專門學校

吳文涵 玉純 江蘇常熟 常熟城內東中巷

陳步丹 江蘇 上海城內舊校場五號

許慶澍 宗微 浙江海昌

郝植梅 炳炎 京兆 北京地安門外小金絲套

馮振民 江蘇無錫 無錫新北門外黃泥頭廣勤路

馮徽馨 盥餘 江蘇 江蘇南通大樹巷一號醫藥觀摩會

胡則學 天宗 安徽 安徽歙縣北岸南村國民學校

醫 學 雜 誌

第三十七集

十二

尹任	天民	江西吉安	江西吉安河街天昌煤局收轉
劉蔚楚		廣東	滬北廣舞台後邢家橋路祥餘里二十三號西藥房
彭承祖	子益	雲南鶴慶	山西新降縣知事
李垣昌	迺文	山西大同	山西省城新民街
喻又新	靜齋	湖北	
孫其湛	達生	江蘇江都	山西省城橋頭街達生醫院
沈寶彝	佩熙	浙江	太原樓兒底永濟堂
謝康	健亭	湖北漢陽	山西省城東校尉營
楊尙誠	孕靈	江蘇	江蘇泰縣婁莊
傅崇猷	懶園	浙江	浙江中醫專門學校
李慰農		江蘇	江蘇如皋迎春橋
張祉浩	破浪	江蘇	江蘇松江塔射園

楊毅田 米裳 山西聞喜

吳錫璜 瑞甫 廈門回春醫院

蕭伯章 遜園 長沙犁頭街中藥園五號

高愈明 駿軒 奉天蓋平縣城內選真藥房

薛葆忱 山西陽泉保晉公司

郝光祖 采黃 山西平遙

陳靄堂 江蘇如皋南門東城角

俞 濬 浙江虞縣崧夏東市

周禹錫 四川萬縣 四川萬縣紅十字會

羅雙元 蜀東津江 沙市同善分社

薄桂堂 升庵 山西省城西夾巷九號

于福生 馥邨 山西省城羊市街福生醫院

第三十七期

關勉 成一 江蘇泰興 山西步五團二營本部

張彭年 介侯 江蘇泰興

蘇文會 友山 山西稷山 山西稷山縣城內隆茂盛收轉

陰毓龍 小雲 山西沁源 山西省城龍王廟街九號

柴桂生 元藹 山西榮河 山西省城樓兒底和濟藥房

本會名譽會員一覽表

姓名籍貫通訊處 姓名籍貫通訊處

凌邦傑 帥根焜

陳代和 陳元齡

史介生 尹濼塵 山東諸城 山東諸城縣城內

張創業 朱格一

周逢儒 江蘇 無錫西門外棉花巷 陸成一 江蘇吳縣

宋心谷 浙江嵊縣

本縣醫藥

改進研究會

李程九

河南除旗鎮

蕭懷之

奉縣小紀徐家塢

梁餘生 山西介休

孫景淵

董鑑塘 榆次

平遙分會會員

王葆年

江蘇崑山縣正義鎮

徐冠慧

杭州醫學專校

宋從甫

苑南游緝隊第三營

丁濟華

山東周村大同醫院

董潤芳 直隸豐潤

王坦

北京宣外 棉花上七條

王祖泥 江蘇

山塘莊基 灣紅坊匯中街

郁濟煥 江蘇

江陰南門外

陸培初 江蘇蘇州

諸文萱 江蘇

孝豐城北街

叢言志

江蘇如皋 岔河元亨利號

王慎軒

上海中醫專校

錢繩祖

江蘇金山縣呂巷鎮

黃國材

江蘇宜春縣路西口

蔣鏡寰 江蘇

唐忠俊 江蘇南匯

趙伯芝 江蘇上海

北京東四 南剪子巷三十九號

張二仲 廣東

廣州西關恩寧市

第三十七期

十六

高維祺

安徽和縣

顧崢華

江蘇泰縣濠濠天生
濠龍轉

陳蓮峰

石馬鎮宛南亭

謝銘山

福建

楊志一

上海中醫專校

劉前英

安徽和縣姥鎮東街
劉振和

張治河

江蘇淮安益林

秦國楨

泗路城縣南垂鎮

王合三

河南醫藥研究會

陳益生

江蘇武進縣

翟冷仙

江蘇甯台

何塚鎮火星廟巷
陳寬甫轉

錢文廣

安徽廣德縣城內一區
區立第二國民學校

陳昌五

樊楚農

河南焦作鎮道清鐵
路醫官

楊詔陽

江西安義

繆康壽

蘇州城內四邱坊巷
七十八號

許小士

浙江中醫學校

錢昌藩

南通醫學專校

許勤勛

張石緣

湖南常德北門神
武寺巷

黃良安 福建

唐嶼三山醫社

本會附設醫院四月分西醫診治人數表

外科		內科															外科		各科									
名	病	鼻	耳	科	瘧疾	偏頭痛	流行性感冒	心臟瓣膜炎	痢疾	噴門狹窄	胃酸過多	胃脹痛	氣管枝炎	肝臟便硬	腦膜	肺結核	足染毒	腿膝症	痲子	陽囊炎	鷄眼	膝席子	耳炎	項席	盆內脾	色頭	男	女
二	五	一	一	二	一	三	一	二	一	二	一	六	一	二	三	二	二	五	一	二	三	二	三	一	一	男	診	
	一			二		一				三	一	四						三								女	治	
二	四	一	一	一		三				二	一	六		一	二	二	二	五	一	二	三	二	三	一	一	男	治	
	一			二		一				二	一	三						三								女	愈	
														一	一												男	性
																											女	院
																											男	治
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治
																											男	愈
																											女	性
																											男	院
																											女	治

專著門

靈素生理新論

楊如侯先生著

續三十六期

第五章 外形篇三

第一節 總論經筋與肌肉之關係

內經經筋篇詳論人身之經筋。而西人則獨詳於肌肉。彼所謂肌肉者。蓋指肌肉而言。謂肌肉占全身組織之大部分。以成吾人完全之形體。隨所在而各呈其形式。即隨所在而各施其作用。以爲之運動焉。初未嘗一及於筋。究之運動之力。肌肉爲之乎。抑非肌肉爲之乎。攷之我國學說。說文筋篆下云。肉之力也。从月从力。所以明其義也。从竹者。以竹之爲物多筋。所以明形也。據此則肉之力生於筋也。彰矣。今試就經筋與肌肉之關係。舉三例以證。足太陽之筋。散爲目上網。足陽明之筋。散爲目下網。所以約束目睫司開闔也。此其例一。足少陽之筋。結於目眥爲

外維。凡人能左右盼視者。正以此筋爲之伸縮也。此其例二。足少陽之筋。前結於陽明之伏兔。後結於督脈之尻。所以連臂膝而運樞機也。此其例三。有此三例。可知肌肉之作用。其主動不盡關於肌肉。筋爲之也。故筋者肉之力也。一語爲千古定義。爰舉中國之所論經筋。及西國之所論肌肉。而爲之合纂於左。

第二節 論腦頭蓋部經筋與肌肉之關係

腦頭蓋部諸筋肉。西人析爲五種。曰前頭筋。後頭筋。耳前筋。耳上筋。耳後筋。

(作用)

- 〔一〕前頭筋作用 前引帽狀腱膜。或牽舉前額之外皮。
- 〔二〕後頭筋作用 後牽帽狀腱膜。
- 〔三〕耳前筋作用 牽引耳軟骨於前方。
- 〔四〕耳上筋作用 上牽耳軟骨。
- 〔五〕耳後筋作用 牽引耳軟骨於後方。

按我國所謂經筋。躋次於腦頭蓋部者如左。

足太陽之直筋上頭。足少陽之直筋上額角。交巔上。足陽明之支筋會足少

陽。上至頭維而終。手少陽之支筋上乘頷。結於角。頷當作額。手陽明之直筋上左

角。絡頭。此皆位當前頭之部者也。

足太陽之直筋結於枕骨。足少陰之筋結於枕骨。此皆位當後頭之部者也。

足陽明之支筋從頰結於耳前。手太陽之筋本支循耳前。手少陽之支筋循

耳前。手陽明之直筋上出手太陽之前。上左角。出手太陽天官天容之前行耳前。此皆位當

耳前之部者也。

手太陽之支筋入耳中。直者出耳上。本支者上頷。結於角。手少陽之支筋上乘

頷。結於角。頷當作額角耳上角孫也。此皆位當耳上之部者也。

足太陽之支筋上結於完骨。完骨者耳後高骨也。足少陽之直筋循耳後。手太陽之支

筋結於耳後完骨。此皆位當耳後之部者也。

上述諸經筋。在生理上之作用。中說多略焉。不詳。試從病理上以反證西說。凡此部分。經云筋痺者。其種種變態。卽有見於頭腦各部及頸痛。應耳中鳴痛。引領之現狀。此以見頭腦蓋部經筋與筋肉之關係焉。

第三節 論顏面部經筋與肉之關係

顏面部諸肉。西人析爲四種。曰眼瞼筋。口筋。鼻筋。咀嚼筋。

〔作用〕

〔一〕眼瞼筋作用 鎖閉眼瞼。牽引內眥。

〔二〕口筋作用 牽引口角。上牽鼻翼上唇。下掣下唇。並閉鎖口裂。上牽頤部之外皮。

〔三〕鼻筋作用 下牽鼻翼。壓鼻使縮小。

〔四〕咀嚼筋作用 牽引下顎。並使關節頭與下顎前進。

按我國所謂經筋。躋次於顏面部者如左。

足太陽之支筋爲目上綱。下結於頰。目下曰頰。即頰也。又其支者。邪上出於頰。足少陽之支筋結於目眥爲外維。足陽明之直筋合於頰。又上合於足太陽。上睛明穴太陽爲目上綱。陽明爲目下綱。手太陽之支筋上屬目外眥。手少陽之支筋屬目外眥。此皆位當眼臉之部者也。

足陽明之直筋。上挾口。足少陽之直筋。下走頰。手太陽之直筋。下結於頰。本支者上頰。手陽明之直筋。下右頰。此皆位當口部者也。

足太陽之直筋。下頰。結於鼻。足陽明之直筋。下結於鼻。此皆位當鼻部者也。

足陽明之支筋。從頰。結於耳前。手太陽筋之本支。上曲牙。曲牙即頰車穴。手少陽之

支筋。當曲頰。入繫舌本。又其支者。上曲牙。手陽明之支筋。上頰。此皆位當咀嚼之部者也。

上述諸經筋在生理上之作用。中說多略焉不詳。試從病理上以反證西說。凡此部分。經云筋痺者。其種種變態。即有目不合。目不開。引頰移口。舌卷口目爲僻。眥

急不能卒視之現狀。此以見顏面部經筋與肌肉之關係焉。

第四節 論軀幹部經筋與筋之關係

軀幹部諸筋肉。西人析為四種。曰頸筋。胸筋。腹筋。背筋。

〔作用〕

〔一〕頸筋作用 伸張頸部之外皮。牽引胸廓舌骨甲狀軟骨及肋骨。以助吸氣。並使頭蓋屈於前方。

〔二〕胸筋作用 牽引上膊骨及肩胛骨。並牽下肋軟骨。固定鎖骨。補助呼吸。

〔三〕腹筋作用 縮小腹壁。使腹腔窄狹。以減少容積。

〔四〕背筋作用 牽引肩胛骨及上膊骨。昂舉肩胛骨。助骨牽下肋骨。屈伸脊柱。與頭蓋。並旋迴脊柱與頭蓋。

按我國所謂經筋。躋次於軀幹部者如左。

足太陽之支筋。別入結於舌本。又其支者。上出缺盆。足少陽之直筋。結於缺盆。

又上出腋貫缺盆。足陽明之直。至缺盆而結。手太陽之支筋循頸。手

陽明之直筋從肩髃上頸。手少陽之筋上肩走頸。合手太陽又其支者自頸當

曲頰下入繫舌本。手太陰之筋上結缺盆。此皆位當頸部者也。

足少陽之直筋上乘眇季脇。上走腋前廉繫於膺乳。足太陰之直筋結於肋散

於胸中。手太陰之筋下結胸裏散貫膈合賁下抵季脇。手少陰之筋結於胸

中。手厥陰之筋入腋散胸中結於臂。臂當作膈此支並太陰之筋挾脇此皆

位當胸部者也。

足陽明之直筋上腹而布。足太陰之直筋上腹結於臍循腹裏。手少陰之筋

下繫臍。此皆位當腹部者也。

足太陽之筋上挾脊上項。足陽明之筋上循膈屬脊。足太陰之直筋其內者

著於脊。足少陰之筋循脊內挾膂上至項。手陽明之支筋挾脊。此皆位當

背部者也。

上述諸經筋在生理上之作用。中說多畧焉不詳。試從病理上以反證西說。凡此部分。經云筋痺者。其種種變態。即有反脊折。項筋急。肩不舉。腋支缺盆中紐痛。不可左右搖。季脇痛。上引缺盆膺乳陰器紐痛。下引臍。兩脇痛引膺中脊內痛。陽病腰反折。陰病不能仰。腋下痛。腋後廉痛。繞肩胛引頸而痛。頸腫等之現狀。此以見軀幹部經筋與肌肉之關係焉。

未完

論說門

中國醫學沿革概論

第三十六期

楊文煥

黃帝時代之醫學

(一)天文學 天垂象。聖人則之。軒岐之作內經。上察天文。取天然現象之真理。以應用於醫學者甚富。考經文五運六氣五行之說。則本於天文歷法者也。天空有金水木火土五星球。內經五運行大論。則以五運診察病狀。五運者金運水運木運火運土運也。五德循環迭為終始。故乙庚為金運。丙辛為水運。丁壬為木運。戊癸為火運。甲己為土運。互相化合而成歲時。此以大氣有變遷。而為五運說之所由立也。歲運既有變遷。氣化自有偏勝。故內經至真要大論。以六氣分治。詳論六氣司天。六氣在泉。六氣者。風寒暑濕燥火也。即左傳醫和所謂陰〔寒〕陽〔火〕風雨〔暑〕晦〔濕〕明〔燥〕也。以六氣配五運。則知某歲某節。民病

厥疾。氣運交合。分配臟腑。是爲司天在泉。此以天地氣化。有偏勝。而爲六氣。既之所由立也。而金水木火土五星者。乃人日用五行之精也。內經既以五星之運行。立五運之說。復察五星之精。發明五行之理。天元紀大論云。天以五行御五位。以生寒暑燥濕風。以五行分配五臟。故腎爲水。肝爲木。火爲心。土爲脾。金爲肺。五行互相乘除。故互相生尅。此以天地氣化。有盈虛消長之理。而爲五行說之所由立也。我國醫經首重氣化。五運六氣五行之說。皆根本於候時測氣。故與天文曆算同法焉。

(二) 物理學。物理學乃自然科學之基礎。凡聲、光、電、磁、熱力。各種天然現象俱屬之。我國醫學。既採取天然現象之真理以立論。故與物理學之精理。在在吻合。醫經所論。五音。是聲學也。所論。五色。是光學也。所論。陰陽。離合。是電磁學也。所論。溫度。是熱學也。所論。經脈。血氣之運行。是力學也。而自較近相對性發明以來。與我國陰陽之理。相得益彰。日本渡邊熙博士謂中醫之陰陽。乃相對性理。

論者以恩斯坦博士之說証之。則相對性理論之發明。已光西儒數千年矣。於此可知我國醫經所論之陰陽。是科學而非哲學。不得以虛無渺茫斥之也。

（二）地理學 林億序內經有云。黃帝與歧伯上窮天紀。下極地理。遠取諸物。近取諸身。更相問難。垂法以福萬世。是軒歧之作內經。應用地理一科。亦復豐富。考五運行大論。帝曰。地爲人之下否乎。歧伯曰。地爲人之下。太虛之中者也。帝曰。馮乎。歧伯曰。大氣舉之也。夫地懸宇宙之中。地理學家。窮思精研。復藉儀器測窺之力。歷數千百年之久。始發明之。孰知軒歧數千年前。早明此理。地理一科。又別爲三。一曰天文地理。凡地球之位置運動。並經緯線五帶屬焉。經於陰陽應象大論等篇。多言其理。所謂東方生風。南方生熱。中央生濕。西方生燥。北方生寒者。益以我國位於北溫帶。赤道在南寒帶在北。東西爲氣交。中央爲氣聚。地勢使然也。二曰自然地理。凡各地之氣候。及生物礦物之分布屬焉。在經則於異法方宜論。金匱真言論。五常政大論。陽陰別論。陰陽應象大論。並

詳言之。所謂毒藥者。金石猛烈之品從西方來。砒石者從東方來。迄今東西醫學輸入。此論益信。三曰人文地理。凡人民開化之程度。及民情政俗屬焉。經於異法方宜論亦詳及之。而人民之皮膚紋理。復以五色概之。是人種之區分。軒歧早定之矣。

修正傷寒論文之商榷

續三十六期

理事 費澤堯

病者手足厥冷。言我不結胸。小復滿。按之痛者。此冷結在膀胱關元也。〔修正〕病者手足厥冷。小復滿。按之痛者。此冷結在膀胱關元也。

考總病論刪言我不結胸五字頗當。蓋衍文也。茲據以修正。

太陽與少陽併病。頭項強痛。或眩冒。時如結胸。心下痞硬者。當刺大椎第一間肺俞。肝俞。慎不可發汗。發汗則譫語。脈弦。五日譫語不止。當刺期門。〔修正〕太陽與少陽併病。脈弦。頭項強痛。或眩冒。時如結胸。心下痞硬者。當刺大椎第一間肺俞。肝俞。慎不可發汗。發汗則譫語。若譫語不止。當刺期門。

脈弦二字移上。五日二字改若。悉據柯琴傷寒論注本修正。

下利後。脈絕。手足厥冷。晡時脈還。手足溫者生。脈不還者死。〔修正〕下利後。脈絕。手足厥冷。晡時脈還。手足溫者生。不還不溫者死。

脈不還者死。玉函作不還不溫者死。於義為當。蓋脈不還者死。手足不溫亦死也。據以修正。

傷寒脈遲六七日。而反與黃芩湯徹其熱。脈遲為寒。今與黃芩湯復除其熱。腹中應冷。當不能食。今反能食。此名除中。必死。〔修正〕傷寒脈遲六七日。厥而下利。反與黃芩湯徹其熱。脈遲為寒。今與黃芩湯復除其熱。腹中應冷。當不能食。今反能食。此名除中。必死。

醫宗金鑑云。傷寒脈遲六七日之下。當有厥而下利四字。若無此四字。則非除中症矣。有此四字。始與下文反與黃芩湯之義相屬。此說良是。今據以修正。傷寒大吐大下之。極虛復極汗者。其人外氣怫鬱。復與之水。以發其汗。因得曠所

以然者。胃中寒冷故也。「修正」傷寒大吐大下之。極虛復極汗者。其人外氣拂鬱。復與之水。以發其汗。因得喘。所以然者。胃中虛冷故也。

胃中寒冷。柯琴本作胃中虛冷。頗當。茲據以修正。

大病差後。喜唾。久不了了。胸上有寒。當以丸藥溫之。宜理中丸。「修正」大病差後。喜唾。久不了了。胃上有寒。當以丸藥溫之。宜理中丸。

胸上有寒句。攷玉函成本。均作胃上有寒。於義爲是。蓋理中溫胃。而非溫胸也。本太陽病不解。轉入少陽者。脇下硬滿。乾嘔不能食。往來寒熱。尙未吐下。脈沉緊者。與小柴胡湯。若已吐下發汗溫針。譏語。柴胡湯證罷。此爲壞病。知犯何逆。以法治之。「修正」本太陽病不解。轉入少陽者。脇下硬滿。乾嘔不能食。往來寒熱。尙未吐下。脈沉弦者。與小柴胡湯。若已吐下發汗溫針。譏語。柴胡湯證罷。此爲壞病。知犯何逆。以法治之。

金鑑云。脈沉緊當是脈沉弦。若是沉緊。是寒實在胸。當吐之診也。惟脈沉弦。始

與文義相屬。其說頗是。據以修正。

問曰。病有得之一日。不發熱而惡寒者。何也。答曰。雖得之一日。惡寒將自罷。即自汗出而惡熱也。〔修正〕病有得之一日。不惡熱而惡寒者何也。曰。雖得之一日。惡寒將自罷。即自汗出而惡熱也。

發熱玉函作惡熱。於義為是。據以修正。問答贅辭。不妨刪去。

陽明中風。古苦咽乾。腹滿微喘。發熱惡寒。脈浮而緊。若下之。則腹滿小便難也。〔修正〕陽明中風。口苦咽乾。胸滿微喘。發熱惡寒。脈浮而緊。若下之。則腹滿小便難也。陽明病。脈浮而緊。咽燥口苦。腹滿而喘。發熱汗出。不惡寒。反惡熱。身重。若……〔修正〕陽明病。脈浮而緊。咽燥口苦。胸滿而喘。發熱汗出。不惡寒。反惡熱。身重。若……此二條中。腹滿而喘。句。當是胸滿而喘。宜修正之。

陽明病。脈遲。雖汗出不惡寒者。其身必重。短氣。腹滿而喘。有潮熱者。此外欲解。可攻裡也。……若腹大滿不通者。可與小承氣湯。微和胃氣。勿令至大泄下。〔修正〕

陽明病。脈遲。雖汗出不惡寒者。其身必重。短氣。胸滿而喘。有潮熱者。此外欲解。可攻裡也。……若腹滿不大便者。可與小承氣湯。微和胃氣。勿令至大泄下。

腹滿而喘。亦是胸滿而喘之誤。腹大滿不通。當是腹滿不大便之誤。茲時正之。

學 甘草瀉心湯方。原文僅六味。無人參。按金匱孤感篇。亦有是湯。共七味。有人參三兩。又攷醫壘元戎伊尹甘草瀉心湯。亦七味。有人參。足見無人參者。原文脫漏也。亟應正之。

雜 大黃黃連瀉心湯方。原文僅二味。無黃芩。按金匱有瀉心湯方。治心氣不足。吐血衄血。即本方有黃芩一兩。共三味。又攷千金翼註。亦謂此方必有黃芩。足見無黃芩者。原文脫漏也。亟應正之。

誌 梔子甘草豉湯。梔子生薑豉湯。梔子厚朴湯。梔子乾薑湯。四方。方後原文。均有得吐者止後服六字。未妥切。今據張志聰本刪此六字。蓋四方之用。不在乎吐也。

深研中西醫學原可溝通論

第三十六期

名譽 張錫純

中說謂肝左脾右。西說謂肝右脾左。此又中西顯然不同處也。不知肝右脾左之說。早見於淮南子。扁鵲難經亦謂肝在右。「難經曰肝之爲藏。其治在左。其藏於右脇右腎之前。並胃著脊之第九椎。金鑑刺灸心法篇。引難經有此二十五字。今本刪去。」夫肝在右。脾自當在左矣。而醫學家仍據肝左脾右以治病者。誠以肝雖居右。而其氣化實先行於左。故肝之脈診於左關。脾雖居左。而其氣化實先行於右。故脾之脈診於右關。按此診脈治病則效。不按此診脈治病則不效。若不信肝之氣化先行於左。脾之氣化先行於右之說。更可以西人生理學家之言徵之。按西人生理學家言。脾固居胃之左方下側。然其與胃通也。乃從脂膜相連處右行。輸送胃液腺於胃腑。其與脾通也。乃從脾尾端右行。輸送製造脾液之原料於脾臟。其與肝通也。乃從脾靜脈右行。開口於肝門靜脈。輸送紅色血球中之紅色鐵質於肝臟。爲造成膽汁之料。其上與肺通也。乃右行假道於胃臟。以達於肺關。

膜。而入於肺。其下與腸通也。乃右行假道於脾臟。由脾液排泄管。匯入於十二指腸。其與腸身通也。乃從脾動脈右行。開口於大動脈幹。輸送白血球於毛細管。以達於身體內外諸部。無所不到。是脾之本體雖居於左。而其功用無不在於右。是則謂脾居於右。誰曰不宜。如肝固居於腹腔之右側上部。而其吸收脾與胃中之血液。以營提淨毒質之作用者。乃由肝門靜脈之大血管。向左下方吸收而來也。且其既已提淨之血液。乃由肝靜脈之血管。從肝臟之後緣而出。開口於大靜脈。向左上方入大靜脈幹。以達右心室。是肝臟血液循環之機能。皆在於左。是則謂肝居於左。誰曰不宜。〔此節採時賢蔣璧山氏說〕

內經謂腎者作強之官。伎巧出焉。所謂作強伎巧者。指其能生育而言也。西人則謂腎臟專司澆水。與生殖器毫無關涉。此又中西醫學顯然不同處也。然謂內腎與外腎不相關涉者。乃西人從前未定之論。非其近時實驗之言也。夫中醫之論腎。原取廣義。非但指左右兩枚也。今西人於生理學研究功深。能悟副腎髓質之

分泌素。〔即自命門分泌而出與督脈相通者〕有迫血上行之作用。名之曰副腎
嫌。是悟腎中真火之用也。又悟副腎皮質之分泌素。〔即自胞室中分泌而出與
任脈相通者〕有引血下行之作用。名之曰確靈。是悟腎中真水之用也。既悟得
腎中真水真火之作用。即當知腎之所以作強。所以伎巧。無非賴此水火之氣以
醞釀之。激發之。幹旋之。有如火車諸機輪之轉動。莫不以水火之氣爲原動力也。
西人謂中醫不知有水道。不知西之所謂水道。即中醫之所謂三焦。其根蒂連於
脊骨。自上下數七節之處。〔其處即命門〕在下焦爲包腎給腸之脂膜。在中焦爲
包脾連胃之脂膜。在上焦爲心下之膈膜。統名爲三焦。能引水液下注於膀胱。內
經所謂三焦者決瀆之官。水道出焉者是也。夫內經既顯然謂三焦爲水道。何謂
不知水道也。蓋其名雖異。核實則同也。未完

纂述門

(生理類)

精神之原始

薛復初

乾道成男。坤道成女。男女構精。萬物化生。(見同)夫精者身之本也。(見索)

按乾為天。為男。為父。陽也。坤為地。為女。為母。陰也。陰陽大論云。天地者萬物之父母。陰陽者血氣之男女。放言之故。天有精。地有形。於人身求之。則形歸氣。氣歸精。精歸化焉。決氣篇云。兩神相搏。合而成形。常先身生。是謂精。經脈篇云。人之生。先成精。精成而後腦髓生。骨為幹。脈為營。筋為剛。肉為墻。皮膚堅而毛髮長。諸說俱闡精為身之本義。攷西說男子精虫。女子卵子。兩細胞合一。名曰胚胎機。再由細胞之分裂。通則倍數比例。以營其增殖。漸次發育。成形。蓋與構精之義相通。更與無極而太極。而兩儀而四象而八卦之義。亦相通。萬物者括字

宙間萬有之動植各物而言。惟醫學研究之目的。係人身生理學之一部分及生活現象為主體。故餘物當置弗論。

人生於地。懸命於天。天地合氣。命之曰人。(見素)故人之血氣精神者。所以奉生而周性命者也。(見靈)

按天地合氣。即男女構精之互調。寶命全形篇云。人以天地之氣生。四時之法成。是放大之論。決氣篇云。人有精氣津液血脈。辯爲六名。合爲一氣。是就人身而言。攷唐子云。人之知覺性也。人之生死命也。性在心。故其字從心。命在腎。故腎系曰命門。有此性命。人乃得生。其所以奉生而周於性命之間者。則又賴乎精神焉。按心藏神。爲性之舍。腎藏精。爲命之源。蓋人之有生。繫于性命。性命賴乎精神。精神本乎血氣。血氣者。即男女陰陽之專精也。推此精之所生。則又由於氣體之變化。神之所生。則由于血液之機能耳。西說以血液之官能。爲動物新陳代謝之媒介。又言心臟有自主機能。此自主機能。蓋即神氣之爲用也。且

又云心臟及其連屬。具有「制止」「發舞」「收縮」「開張」諸種神經云云。攷西說神經。與中說經脈。符合之點頗多。溝通中西學說諸家。類能言之。

天之在我者德也。地之在我者氣也。德流氣薄而生者也。故生之來謂之精。兩精相搏謂之神。(見靈)血氣者。人之神也。(見素)失神者死。得神者生。以母爲基。以父爲楯。血氣已和。營衛已通。五藏已成。神氣舍心。魂魄畢具。乃成爲人。(俱見靈樞)

寶命全形篇云。天地爲之父母。按天地者。父母之互詞。德氣者。血氣精神性命之統稱也。德可配天地。氣可包全身。薄與搏皆同義。四氣調神論曰。天氣清淨光明者也。藏德不止。故不下也。言德之川流敦化。與氣之博厚載物。而後有悠久無疆之生成也。然必得父母之真精。互相爲用而搏結。庶能遺此形與神具之生活體焉。攷西說。精細胞與卵細胞。結成一核。名曰兩性細胞。又曰兩性中和體與兩精相搏之義頗通。按神者。猶言志也。志者五臟各有藏之神志也。如心志爲喜。肝志爲怒。脾志爲思。肺志爲憂。爲悲。腎志爲恐。爲驚。皆是也。再

証之四氣調神論。義較明矣。其略曰。春三月。被髮緩形。以以使志生。夏三月。使志勿怒。使華英成秀。秋三月。使志安甯。以緩秋刑。冬三月。使志若伏。若匿。若有私意。若已有得。云者。皆調神之旨也。五運行大論曰。人有五藏化五氣。以生喜怒憂思恐。又其義也。移精變氣論。言治者極于一。一者因得之。數問其情。以從其意。得神者昌。失神者亡。又與得失生死之義。可互推勘。基者。人生原始之基礎也。楯猶盾也。

三焦之研究

理事
梁秉鈞

肺合大腸。脾合胃。心合小腸。腎合膀胱。肝合膽。獨至三焦。則曰三焦者中瀆之府也。水道出焉。屬膀胱。是孤之府也。是六府之所與合者。蓋手厥陰心主包絡藏也。陰也內也。手少陽三焦。府也陽也外也。雌雄匹配。以爲表裡者也。故心主手厥陰心包絡之脈。歷絡三焦而屬心包絡。三焦手少陽之脈。散絡心包絡而屬三焦。包絡爲心主之外衛。三焦爲藏府之外衛。故爲表裏而相絡。諸經皆無歷字。獨此有

之。蓋指上中下而言。上焦即膻中。中焦即中脘。下焦即臍下。故任脈之陰交穴。爲三焦募也。中瀆者謂如川如瀆。源流皆出其中。凡水穀之入於口。出於便自上而下。必歷三焦。故曰中瀆之府。水道出焉。膀胱受三焦之水。而當其疏泄之路。氣本相依。體同一類。故三焦下俞。出於委陽。並太陽之正。入絡膀胱。約下焦也。然於十二藏之中。三焦獨大。諸藏無與匹者。故曰是孤之府也。且三焦雖爲水瀆之府。而實總護諸陽。亦稱相火。是又水中之火府。故在本篇曰。三焦屬膀胱。在血氣形志篇曰。少陽與心主爲表裡。蓋其在下者爲陰。屬膀胱而合腎水。在上者爲陽。合包絡而通心火。此三焦之所以際上極下。象同六合。而無所不包也。又曰少陽屬腎。腎上連肺。故將兩藏。蓋少陰三焦也。三焦之正脈散於胸中。而腎脈亦上達于肺。三焦之俞屬於膀胱。而膀胱爲腎之合。故三焦亦得于腎也。夫三焦爲中瀆之府。膀胱爲津液之府。腎以水藏而領水府。理之當然。故腎得兼將兩藏。將領也。本藏篇云。腎合三焦膀胱。其義卽此。稱三焦膀胱爲兩藏者。府亦可以稱藏也。此內經

之通例也。

先天後天氣之研究

會員 李思侗

經言陰陽相貫。如環無端。夫陰陽者氣化也。氣有先天後天之別。有資始資生之異。主腎爲先天真元之氣。真元之本氣。資始於腎間。故易曰大哉乾元。萬物資始。主胃爲後天水穀之氣。水穀之精氣。資生於胃中。故曰至哉坤元。萬物資生。先天之氣分爲三隊。外應皮毛而主一身之表者。爲太陽膀胱之氣。內通五臟司治節。而主一身之裡者。爲太陰肺金之氣。通行內外。應腠理。而主一身之半表半裏者。爲少陽三焦之氣。後天之氣亦分爲三隊。水穀之精氣行於經隧爲榮氣。水穀之悍氣行於脈外爲衛氣。大氣積於胸中而司呼吸者爲宗氣。先天爲本氣。後天爲生氣。非本氣不能爲生氣。建極非生氣亦不能爲本氣。助力。此人身陰陽二氣。運行無間。乃其常也。至其變也。發而爲病。有先天病而後天不病者。有後天病而先天不病者。亦有先後天併傷而俱病者。痿厥寒厥。乃是太陽爲病也。咳嗽唾血。喘

呼不利。是太陰爲病也。身發寒熱。或半身不遂偏枯等症。是少陽爲病也。本氣雖病而胃氣未傷。所以飲食如故也。身熱汗出四肢蹇怠肌肉消瘦飲食減少者。衛氣爲病也。下血使血女子經閉及血枯者。榮氣爲病也。呼吸頓息卒然昏仆者。宗氣爲病也。他如傷寒症中風不語症。以其先後天併傷。故稱大病。此其大略也。

(衛生類)

書四氣調神論四季應養法後

名譽理事 張汝偉

素問四氣調神論。春三月。此爲發陳起四節。質言之。不過春生夏長秋收冬藏。人應其時。以爲衛生之法耳。蓋人生於天地之中。居氣交之內。在在與天地之氣相感應。何以言之。人身象木。即以木喻。逢春則報芽生葉。其動機已萌於冬至一陽生之後。入感造化之靈。則春三月。卽爲氣血蓬勃軀體發育之時。入夏則華實並茂。氣血奔漲已極。然盛極必衰。夏至一陰生。衰兆已伏。人感其氣。精液泄足之時。是以夏日亦宜獨宿。以保精也。至秋則木葉萎黃。肅殺之象已呈。人感其氣。每多

精液燥竭之虞。喻嘉言清燥救肺之法。千古以求。獨具隻眼。及交冬令。萬類潛藏。木葉盡脫。人身氣血爲嚴寒所束。而內藏之相火。每多易熾。而耗精在所不免。所以聖人教人曰。冬不藏精。春必病溫也。而論中文意。無非欲人得天地清淑之氣。與近今西醫之注重呼吸空氣相同。中外千古。如合一轍。至對於四時八節之說。西醫每辭而辟之。然二至二分。四立四離。苟有宿疾之人。莫不應時而發。俗語有云。背掛曆本。余閱歷十有餘載。確有可以信徵之處。故凡行醫者。與有病者。于衛生養氣之理。須三注意焉。若夫用藥。不可拘古。不可隨俗。一味師古。則世運有變遷。體質有強弱。地處有高卑。性情有剛柔。時令有乖和。同一見症。用藥大異。一味隨俗。則重症輕描。模稜兩可。遷延時日。坐誤病機。其罪亦大。此名醫讀書之餘。尤須通權達變者也。

張栗庵先生存書

續三十六期

抱朴子曰。半夜以至日中六時。爲生氣。午後以至夜半六時。爲死氣。死氣之時。行

第三千七期

三十八

無無益也。按易書向晦安息千金亦言每旦夕此云午後至夜半行氣無益千金亦言每旦夕此云晚間靜坐因是續靜坐法云晚間靜坐因是續靜坐法云晚間靜坐因是續靜坐法云

沉早晨靜坐則可免此患然則行氣之時自以子後午前為善

千金方曰陰霧惡風猛寒勿取氣也但閉之。

按泰西生理學言每晝眠一分小兒約四十四息稍長二十六息成人十八息

老人十六息。按近人陳摠察言常人之息一分鐘約得十五六息坐久不動則一分鐘只吸入之氣養多炭少呼出之氣養少炭多血液一周三十三秒則受

炭氣而變紫必吐故納新使紫變為紅乃能循環全身輸送諸成分及養氣於

各部分而且取其炭氣及諸老廢物而排泄之而身受健全之益矣。深呼吸法

眼微開注視一處兩手握固置膝上以尻據兩足踵間以腰凸小腹前方俾小

腹膨脹得深吸其息唇齒相合舌抵上腭口吐濁氣欠伸二三徐徐吸入空

氣運送於下腹之內保持一秒時又徐徐呼出既終乃嚥下唾液更如前

反復行之按日本近盛行此法附著於此以見中外之同心可理焉

深呼吸之五要。
一當閉口而由鼻呼吸
空氣中之塵埃微菌經鼻毛之濾過而清潔
空氣
之燥觸鼻之粘膜而潤
空氣中之塵埃微菌經鼻毛之濾過而清潔
惟冷水必口呼吸
空氣

二當細觀不可粗急。使盡鼻呼吸之效用。若能呼吸時與不呼吸無別置。耗毛鼻尖全不。運力於下。二寸許之下。腹部分積下氣。滿胸部空虛。而三當充實。先在床上。摩擦下腹。呼氣充於下面。腹部分積下氣。滿胸部空虛。而晨睡覺可。先降心窩。而坐。使力積於下。四腹氣縮。當緊收肛門。一方運氣於下。五當隨吸氣而屈伸其足。指如忍便者。然田緊鎖肛門之際。同時更運力於腰腿。及屈其指。吐氣時則伸力於足尖。而屈其指。吐氣時則伸力於足尖。

凡調氣之初。務要身體安和。無與意氣爭。若不安和且止。俟和乃為之。久而弗倦。則善矣。閉氣如降龍伏虎。須要達其神理。胸膈常宜空虛。不宜飽滿。若氣結滯。不得宣流。覺之便當用吐法以除之。如咽喉嚕嗑吹六字訣之類是也。不然則泉源壅遏。恐致逆流。瘡瘍中滿之患作矣。

按小止。即若用心失所。則四百病。因之發生。有師言。但觀心。用六種氣。治病者。即是。用。治。病。每。六。種。氣。一。吹。二。呼。三。嚕。四。嗑。五。嚕。六。吹。此。六。種。息。轉。側。而。作。總。之。中。心。方。便。肝。心。配。熱。來。呵。字。至。三。呼。肺。嚕。嚕。知。

第三十七期 醫道門

按近譯北美美瑜伽學說曰完全呼吸法先直立後正坐由鼻孔吸入空氣充滿
 胸腔後肺部使橫膈膜吸入空氣使肺部膨脹七次以擴張肺部最滿後稍縮小而
 支持全肺之充滿空氣於二秒時間充滿其後肺部一洗全體之濁氣而清淨新血輪焉
 習此法可於二秒時間充滿其後肺部一洗全體之濁氣而清淨新血輪焉
 後徐吸入之腹氣稍向二秒時間充滿其後肺部一洗全體之濁氣而清淨新血輪焉
 如徐吸入之腹氣稍向二秒時間充滿其後肺部一洗全體之濁氣而清淨新血輪焉
 病強健之心神增長呼吸力調和消化實壯周之元氣充實焉此其效也
 瑜伽行法尚有清潔呼吸法者於經全呼吸法吸入空氣後保持肺中數秒時
 之用上唇突發聲如吹口笛聲壯呼吸法出此呼吸法可治疲勞清潔肺
 臟與全身細胞以刺擊之力量又神經衰弱呼吸法出此呼吸法可治疲勞清潔肺
 後暫不放聲由口中發出力量又神經衰弱呼吸法出此呼吸法可治疲勞清潔肺
 緊張又調和聲力使之完全呼吸法出此呼吸法可治疲勞清潔肺
 而將所有空氣帶強使力使之完全呼吸法出此呼吸法可治疲勞清潔肺
 方將所有空氣帶強使力使之完全呼吸法出此呼吸法可治疲勞清潔肺

余因是日入坐時每字各念七遍愈覺其時確與某病有用其六均無不可
 王天一金丹功之妙是而改下章所陳按其目為立基探樂運火候結丹沐
 合自然金丹功之妙是而改下章所陳按其目為立基探樂運火候結丹沐
 洛不抽不添加也王書統名道法紀綱余有其全書不復備錄茲但節其首篇功夫

按近譯北美美瑜伽學說曰完全呼吸法先直立後正坐由鼻孔吸入空氣充滿
 胸腔後肺部使橫膈膜吸入空氣使肺部膨脹七次以擴張肺部最滿後稍縮小而
 支持全肺之充滿空氣於二秒時間充滿其後肺部一洗全體之濁氣而清淨新血輪焉

習此法可於二秒時間充滿其後肺部一洗全體之濁氣而清淨新血輪焉
 後徐吸入之腹氣稍向二秒時間充滿其後肺部一洗全體之濁氣而清淨新血輪焉

如徐吸入之腹氣稍向二秒時間充滿其後肺部一洗全體之濁氣而清淨新血輪焉
 病強健之心神增長呼吸力調和消化實壯周之元氣充實焉此其效也

瑜伽行法尚有清潔呼吸法者於經全呼吸法吸入空氣後保持肺中數秒時
 之用上唇突發聲如吹口笛聲壯呼吸法出此呼吸法可治疲勞清潔肺

臟與全身細胞以刺擊之力量又神經衰弱呼吸法出此呼吸法可治疲勞清潔肺
 後暫不放聲由口中發出力量又神經衰弱呼吸法出此呼吸法可治疲勞清潔肺

緊張又調和聲力使之完全呼吸法出此呼吸法可治疲勞清潔肺
 而將所有空氣帶強使力使之完全呼吸法出此呼吸法可治疲勞清潔肺

方將所有空氣帶強使力使之完全呼吸法出此呼吸法可治疲勞清潔肺

方將所有空氣帶強使力使之完全呼吸法出此呼吸法可治疲勞清潔肺

方將所有空氣帶強使力使之完全呼吸法出此呼吸法可治疲勞清潔肺

方將所有空氣帶強使力使之完全呼吸法出此呼吸法可治疲勞清潔肺

方將所有空氣帶強使力使之完全呼吸法出此呼吸法可治疲勞清潔肺

方將所有空氣帶強使力使之完全呼吸法出此呼吸法可治疲勞清潔肺

瑜珈學派行者亦略與正傳之禪有異凡一行其法頭直上兩肩引向後方正
步徐行心中計算一二三四五六七八九步凡八步為一吸出後距之時間亦必計
空氣更計算一二三四五六七八九步凡八步為一吸出後距之時間亦必計
一時日可數次再行

瑜珈行者之數息法以心臟鼓動之度為計算單位其法正身端坐須頸胸
皆在一直線上兩肩稍向後兩手緩置膝上以全身重量支於肋骨身體肅然
以滿氣丹田

入息未至中間須經脈搏跳動六次保持其息留於胸間凡經三脈搏前息已出
止息法則行清涼
呼吸法而終了

數息時其出入兩息其間延至十五脈搏時
問但兩息中間常以占其時間半數為定則
數息不可但以便出入兩息延長時間為目
的要在使息有定律故其第一緩惟在調息
如前所述瑜珈行者處身於養生上更注意焉
法比諸正傳禪此者同特於養生上更注意焉

（病理類）

纂輯中西解剖病理

名譽 沈仲圭選

第三十七期 醫學門

三十一

醫學雜誌

三十一

癱瘓

耳談載黃陂江尉解銀赴京。遇醫截去二指。抵京已五日矣。延醫但求已痛。有仇總戎門下醫人曰。是可續也。斷指幸為從人拾得。即取合之。層層塗藥。仍夾以薄版。戒三七日勿近水。及期果合。屈伸如故。但有紅線痕。頓蒙得三十金酬之。兼有其方。用片腦象牙末降香諸料。

論肢體痿廢之原因及治法

名譽 張錫純

內經謂五藏有病。皆能使人痿。至後世方書。有謂係中風者。言風中於左。則左偏枯而痿廢。風中於右。則右偏枯而痿廢。有謂係氣虛者。左手足偏枯痿廢。其左邊之氣必虛。右手足偏枯痿廢。其右邊之氣必虛。有謂係痰瘀者。有謂係瘀血者。有謂係風寒濕相併而為痺。痺之甚者。可令人全體痿廢。因痰瘀血瘀及風寒濕痺。皆能阻塞經絡也。乃自腦髓神經司知覺運動之說。倡自西人。遂謂人之肢體痿廢。皆係腦隨神經有所傷損。而患生平所經驗者。知中西之說。皆不可廢。今試歷

舉經驗之所得於左以徵明之。

憶在籍時。曾見一猪。其兩前腿忽不能動。須就其臥處飼之。半月後始漸愈。又旬餘。解此猪。見其肺上新愈之瘡痕。宛然可辨。且有將愈未盡愈者。即物測人。原可比例。此即內經所謂因肺熱葉焦。發爲痿躄者也。由斯知五藏有病。皆能使人痿者。誠不誤也。

又在奉天曾治一婦人。年近三旬。因夏令夜寢當窗。爲風所襲。遂覺半身麻木。其麻木之邊。肌肉消瘦。寢至其邊手足不遂。將成偏枯。其脈左部如常。右部則微細無力。而麻木之邊適在右。此因風襲經絡。致經絡閉塞。不相貫通也。不早祛其風。久將至於痿廢。爲疏方用生箭芪一兩（用黃芪者本經謂其主大風也）當歸八錢（用當歸者取其血活風自去也）羌活知母乳香沒藥各四錢。全蝎二錢。全蜈蚣三條。煎服一劑。證即覺輕。又服數劑全愈。此中風能成痿廢之明徵也。

又在本邑治一媪。年逾六旬。其素日氣虛。呼吸常覺短氣。偶因勞力過度。忽然四

三才上論 卷一

三才上論

肢痿廢。臥不能起。呼吸益形短氣。其脈兩寸甚微弱。兩尺重按仍有根。知其胸中大氣下陷。不能斡旋全身也。為疏方用生箭芪一兩。當歸知母各六錢。升麻柴胡桔梗各錢半。乳香沒藥各三錢。煎服一劑。呼吸即不短氣。手足畧能屈伸。又即原方畧為加減。連服數劑全愈。此氣虛能成痿廢之明徵也。

又在本邑治一媪。年五旬。於仲冬之時。忽然昏倒不知人。其胸中似有痰涎。大碍呼吸。診其脈微細欲無。且甚遲緩。其家人謂其平素常覺心中發涼。欬吐粘涎。知其胸中素有寒飲。又感冬日嚴寒之氣。其寒飲愈凝結杜塞也。急用胡椒三錢搗碎。煎兩三沸取濃汁多半杯灌下。呼吸頓形順利。繼用乾薑六錢。桂枝尖當歸各三錢。連服三劑。可作呻吟。肢體漸能運動。而左手足仍不能動。繼治以助氣消痰活絡之劑。左手足亦漸復其舊。此痰瘀能成痿廢之明徵也。(未完)

三陽表裏界限之說略

續三十六期

理學

薛復初

按人體組織。若就一切斷面逐層檢視之。則皮毛為最外一層。皮之下膚也。西人

分爲表皮真皮二層。此皆爲太陽所主。經言膀胱毫毛其應者是也。皮膚之下爲肥肉。中說肌。西說皮下結締織。此爲陽明所司。亦爲脾之所主。故經言脾藏肌肉之氣。又言陽明主肌肉者皆是也。肌之下曰腠理。西人名曰蜂窩織。此爲少陽所主。經言三焦腠理其應者又是也。而腠之下卽爲瘦肉。西人稱之曰筋肉。此筋肉者。正又陽明所主者也。故熱論篇有云。陽明主肉焉。以此實體上觀察之。所謂一日太陽受之者。病在皮膚也。二日陽明受之者。自皮膚而歷肥肉矣。三日少陽受之者。又自肌而傳入腠理矣。此邪自外受。病氣內傳之次第也。故有一二三陽之分。所謂陽明主裏者。言筋肉爲三陽之基礎耳。經言陽明爲十二經之長。卽其義也。蓋由筋肉而輸交於腠理。由腠理而外達於肌表。此正氣營行之次第也。故又有表裡半表裡之別。至若開闔樞者。示其形體與作用而言者也。如皮膚之構造。緊相聯接。是形象本闔而爲一。其作用則欲其開展。而後有皮膚呼吸之放散。故太陽表閉者。必無汗而喘。是失其開展之作用。徒有聯闔之皮革矣。肌之與肉。則

有腠理以間之。是其形體已分而爲二。其作用則欲其撮闔而煽動。始有脂肪燐燒之代謝。故陽明裡實。則潮熱汗出。是失其啓闔之作用。而竟有離岐之肉質矣。惟腠理者。則介乎肌肉之間。截然一網狀耳。其作用也不自有。較之太陽陽明。有自働被働之分。例如皮膚之有開。肌肉之有闔。皆太陽陽明自有之働力也。彼此一開一闔之運動際。腠理應之爲樞紐。故其出氣也。決水也。相火游行也。十一藏固有之機能。要皆取決於通行三氣之樞紐焉。(未完)

傷寒三陽亦有寒證三陰亦有熱證說 會員 米煥章

靈樞病形篇曰。邪之中人也。無有常。中陰則溜於府。中陽則溜於經。故經有或中於陽。或中於陰之訓。自朱奉議活人書。謂傳經爲熱。直中爲寒。三陽皆熱證。三陰皆寒證。貽誤後學。非一日矣。不知凡病自太陽來者。即至三陰皆爲傳。凡初起即見其經證。不始太陽者。雖在三陽亦爲中。素問熱病論曰。傷寒一日。太陽受之。至六日厥陰受之。細玩受之兩字。知是病及其經。不是其經自病。凡所謂逆經傳循

經傳越經傳者。皆傳經也。朱氏活人書所云者。是未明乎三陰三陽。是指經而言。非指證而言也。不然何以傷寒論中陽明太陽有用四逆真武等湯者。厥陰少陰有用白虎承氣等湯者耶。傷寒陽明篇曰。脈浮而遲。表熱裏寒。下利清穀者。四逆湯主之。太陽篇曰。若重發汗復加燒鍼者。四逆湯主之。又曰太陽發汗。汗出不解。其人仍發熱。心下悸。頭眩身憊動振欲擗地者。真武湯主之。厥陰篇曰。傷寒脈滑而厥者。裏有熱。白虎湯主之。又曰傷寒脈滑而厥者。陽氣內鬱而不得外達。外雖厥而裏有熱也。白虎湯主之。又曰下利譫語者。有燥屎也。宜小承氣湯。少陰篇曰。少陰病得之二三日。口燥咽乾者。急下之。宜大承氣湯。又曰少陰病自利清水。色純青。心下必痛。口乾燥者。急下之。宜大承氣湯。又曰少陰病六七日。腹脹不大便者。急下之。宜大承氣湯。觀此數條。可見傷寒諸證。各隨六經之氣化傳變。不能拘定三陽皆熱證。三陰皆寒證。又可知六經皆有傳經。皆有直中。爲熱爲寒。不可論經而不論證也。

卷三十七 婦科 經水不調

三十八

月事專主脾胃說

會員 米煥章

經云中焦受氣取汁。變化而赤。是謂血。雖云心生血。肝藏血。衝任督三脈俱爲血海。爲月信之原。而其統主則爲脾胃。脾胃和則血自生。謂血生於水穀之精氣也。故陳修園論婦人月經。專主脾胃。蓋脾者太陰之濕土也。不得陽明燥氣以調之。則寒濕盛而陰獨勝。陰勝則土不及。不及則卑監。卑者下也。監者陷也。坑也。既下又陷坑。則胞寒氣冷。血不運行。經所謂天寒地凍。水凝成冰。故乍少而在月後。或斷絕不行也。胃者陽明之燥土也。不得太陰之濕氣以調之。則燥熱盛而陽獨勝。陽勝則土太過。太過則敦阜。阜者高也。敦者厚也。既高而又厚。則血氣散溢。經所謂天暑地熱。經水沸騰。故乍多而在月前。或一月數下。或崩漏不止也。又經云二陽之病發心脾。有不得隱曲。女子不月。馬元臺註云。二陽足陽明胃脈也。爲倉廩之官。主納水穀。乃不能納受者何也。此由心脾所發耳。正以女子有不得隱曲之事。鬱之於心。故心不能生血。血不能養脾。始焉胃有所受。脾不運化。而繼則漸不

能納受。故胃病發於心脾也。由是水穀衰少。無以化精微之氣。而血脈遂枯。月事不能時下矣。武叔卿註云。此節當從隱曲推解。人有隱情曲意。難以舒其衷。則氣鬱而不暢。不暢則心氣不開。脾氣不化。水穀日少。不能變化氣血。以入二陽之血海。血海無餘。所以不月也。由是觀之。女子不月。是心脾爲病之本。二陽爲病之標。陳氏用歸脾湯加鹿茸麥門冬等味治之者。亦標本兼治法也。又按二陽之血海爲白汁。係水穀之精華。化血之資料。如脾胃傷。則資料不足。又何以奉心化赤而爲血乎。血海空虛。則任脈不通。太衝脈不盛。月事不能下矣。陳氏專主脾胃者。職是故也。

說汗

會員 魏宗岱

汗之生源有二。一生於胃穀之津。一生於腎臟之液。心與腎。一水一火。不可離也。故亦爲心液。卽腎液也。知生汗之源。而止汗發汗之法可知矣。若真陽外脫。四肢逆冷。汗出而寒者。則用四逆之回陽。並非爲止汗而設也。若大渴大汗脈洪大者。

則用白虎救陰。亦非止汗法也。救陰回陽之外。汗出而渴者。則用五苓散。不渴者。則用茯苓甘草湯。此二方治汗出之微也。若汗出不解。則亡陽在頃。即用鎮武湯。鎮之。收斂胃津腎液也。觀三方之妙。而皆以茯苓爲主。其次則以白朮爲佐。夫汗之大洩。必引水上泛。以茯苓鎮水。白朮運水。汗與痰飲。皆水之爲病也。肺爲水之上源。脾土輸水。腎爲水藏。而膀胱爲水之府。又爲太陽之府也。經云膀胱者州都之官。津液藏焉。氣化則能出矣。蓋氣不可專以陽氣而論也。若陽氣化則小便行。陽氣充則汗自出矣。而淋症之小便不利。將何說也。經又云陰平陽秘。精神乃治。且小便與汗。或利或止。其理一也。陰氣上升者。使之下降。陽氣下降者。使之上升。救其陰陽之偏勝。斯無遁情矣。

五勞七傷六極之研究

魏宗岱

金匱云五勞七傷六極。各方書亦言之。然有病名而無証狀。卽有亦不甚詳。今以陳氏千金所論病源証狀合而言之。陳氏云。久視傷血。久臥傷氣。久坐傷肉。久立

傷骨。久行傷筋。名爲五勞。大飽傷脾。大怒氣逆傷肝。強力舉重。坐臥溫地傷腎。行寒飲冷傷肺。憂愁思慮傷心。風雨寒暑傷形。大怒恐懼傷志。名爲七傷。氣極。血極。筋極。骨極。肌極。精極。名爲六極。千金云。五勞者。一曰志勞。二曰思勞。三曰心勞。四曰憂勞。五曰疲勞。即生六極。一曰氣極。令人內虛。五臟不足。外受邪氣。多病寒濕痺。煩滿吐逆。驚恐頭痛。二曰血極。令人無色澤。恍惚喜忘。善驚少氣。舌強喉乾。寒熱。不嗜食。苦眠睡。三曰筋極。令人不能久立。喜倦。拘攣。腹脹。筋骨疼痛。四曰骨極。令人酸削。齒不堅牢。不能動作。厥逆。黃疸。消渴。癰腫。疔發。膝重疼痛。浮腫如水狀。五曰精極。令人髮膚枯落。悲傷喜忘。六曰肉極。令人發疰。復生七傷。一曰陰寒。二曰陰痿。三曰衰急。四曰精遺。遺而不絕。五曰精少。囊下濕。六曰精清。七曰小便苦數。按陳氏所論。屬病源居多。千金所云。屬証狀爲多。參看互証。庶幾少誤。

(診治類)

(診類)

第三十六期 醫道門

切脈大要

名譽理事 楊星垣

切脈之法。全在識其大綱。大綱不通。是浮沉遲數四字。浮沉是審其起伏。遲數是察其至數。浮沉之間。遲數寓焉。凡脈一見浮沉遲數之象。卽是病脈。若是無病之人。其脈必不浮不沉而在中。不遲不數而五至。是謂平脈。是有胃氣。可以神求。不可以象求也。病脈則浮象在表。應病亦爲在表。浮者輕按乃得。重按不見之謂也。在浮脈雖或有裏証。而主表是其大綱。沉象在裏。應病亦爲在裏。沉者輕按不得。重按乃得之謂也。沉脈雖或有表證。而主裏是其大綱。一息五六至者曰數脈。數爲陽。陽主熱。而數有浮沉。浮而數應表熱。沉而數應裏熱。雖數脈亦有病在臟者。然六府爲陽。陽脈營其腑。則主腑是其大綱。一息三至或二至者曰遲。遲爲陰。陰主寒。而遲有浮沉。浮而遲應表寒。沉而遲應裏寒。雖遲脈多有病在腑者。然五臟爲陰。而陰脈營其臟。則主臟是其大綱。脈狀種種。總該括於浮沉遲數四字。然四者之中。又當以獨浮獨沉獨遲獨數爲準則。而獨見於何部。深求其表裏臟腑之

所在。則病無遁情。故浮爲陽爲表。診爲風爲虛。沉爲陰爲裏。診爲濕爲實。遲爲在臟。爲寒爲冷。數爲在腑。爲熱爲燥。而須知浮爲在表。則散大而芤。可以類推。沉爲在裏。則細小而伏。可以類推。遲者爲寒。則徐緩滯結之屬可類也。數者爲熱。則洪滑疾促之屬可類也。且於脈虛之爲不足。而類推短濡微弱之屬。脈實之爲有餘。而類推弦緊動革之屬。至於浮而表矣。而凡陰虛者。脈必浮而無力。是浮不可以概言表。可升散乎。沉爲裏矣。而凡表邪初感之甚者。陰寒束於皮毛。陽氣不能外達。則脈必先見沉緊。是沉不可以概言裏。可攻內乎。遲爲寒矣。而傷寒初退。餘熱未清。脈多遲滑。可辛溫乎。數爲熱矣。而陰虛之極。陽亦將絕。脈見虛數。可苦寒乎。微細類虛矣。而痛極壅閉者。脈多伏匿。是伏不可以概言虛。可驟補乎。洪弦類實矣。而真陰大虧者。必關格倍常。是強不可以概言實。可消伐乎。故必須參之於望色。參之於聞聲。參之於詢問症情。四診合參。而病情始獲了然。



南北政歲有脈不應指之研究

薛復初

薛復初

曩者思診病。每見病者或寸或尺。間有一部或兩部沉滯不起。或潛伏不見者。必以病脈斷之。比及如法施治。輕則無效。重或變病百出。此種疑竇。每自懊悔。而苦難測其所以。暇日竊讀內經至真要大論篇。始恍然而知所悟矣。謹述其原文如下。〔帝曰陰之所在何如。岐伯曰。視歲南北。可知之矣。北政之歲。少陰在泉。則寸口不應。厥陰在泉。則右不應。太陰在泉。則左不應。南政之歲。少陰司天。則寸口不應。厥陰司天。則右不應。太陰司天。則左不應。諸不應者。反其診則見矣。帝曰尺候何如。岐伯曰。北政之歲。三陰在下。則寸不應。三陰在上。則尺不應。南政之歲。三陰在天。則寸不應。三陰在泉。則尺不應。左右同。〕所以然者。少陰君火。不司氣化。故耳。故五運行大論曰。隨氣所在。期于左右。先立其年。以知其氣。左右應是。然後可言死生之逆順也。按經言如是。自係于脈診例外。審察歲氣天和。響應于人之點。知所當研究者矣。願勿囿于張飛疇之說。致蹈誤人之咎焉。附贅南政北政司天在泉圖各四。以例其餘。俾供研究。

第三十七期 墓迷門



四十五

第三十七期 雜學門

第四圖



其法曰 甲巳之年為南政 餘干俱以北政歸

先立司天定年位 以次右旋逐一推

子午之年少陰司天陽明在泉


己亥之年厥陰司天少陽在泉

間氣左右 按法數之 經訓昭昭 且宜熟記

(治法)

治病序例 續三十六期

五臟六腑虛實門



原件短缺

P47-50

枳實。老年脈弱者加參朮。兼喘者用真武湯治之。不效用東垣方。治乾脚氣兩脛腫大者。用鷄鳴散。兩脛不腫頭痺者。用四物湯加牛膝木瓜蒼朮黃栢肉桂澤瀉類。上氣喘急及入腹者。用八味丸之類以補火。治之又不效。後遵金匱方分風水皮水正水石水黃汗之法。如正水爲病。真元太虛。面目浮腫咳且喘者。用桂苓五味甘草湯。如風水爲病。身腫汗出惡風者。用防己黃芪湯。如皮水爲病。四肢腫而聶聶動者。用防己茯苓湯。如石水爲病。脈沉者用麻黃附子湯。脈浮者用杏子湯。黃汁爲病。身體腫發熱汗出染衣而渴者。用芪芍桂酒湯。其餘各方筆難盡述。但用之有效有不效。此非古人立法之誤。乃後人不能探未索源。解釋經旨。所謂大匠誨人能與人以規矩。不能使人巧也。後得家傳一方。用金眼蝦蟆一具。以大砂仁七顆。填入口中。縫合其嘴。盛於新瓦內。用木炭火煨乾。研細。以米飲調服。視其方殊覺平平。不甚介意。旋又值此病。百藥無效。治之幾殆。無奈有此方投之。一劑效如桴鼓。以爲偶中。後屢試屢驗。遂大爲駭異。愧盲瞶之不識奧妙也。又將原方

綱玩其理。因悟內經云。清濕之地。氣中人。也。皆從足始。故足脛腫。由足入腹。故腹大如箕。三陰之脉。尋陰股間。交任脈。名曰會陰。交陰囊。左之右。右之左。故陰囊腫大。且蝦蟆為四生中濕氣之精。生於陰。出於陽。為利水之妙品。得砂仁之辛溫。辛能開發腠理之邪。使之外出。溫能宣發中土之滯。逐之下出。故能佐蝦蟆直達太陽之經。從其氣化。邪自小便而出。其旨深矣。

吐血症之經驗良方

理事 薛復初

百草霜忌用燃燒煤炭者研細一兩 童子小便去頭尾一碗 共合調勻頓服之。凡吐血傾盆盈碗者。一服自減。三服可愈。若痰中帶血者。再加漢三七末三錢。或與一切時方合用甚效。

有田姓年三十餘。因酒色過度。吐血日三五次不等。每吐必盈碗餘。痰中亦有血點。曾經多醫調治。亡効。余診得六脈數大兼見。且身熱如熾。咳嗽上氣。危症畢具。法在不治。辭不處方。伊求之不已。因施以二加龍骨湯及間服十灰散等法。數易

方終難獲效。余自分術劣堅辭。無如渠意頗切。不得已予以方塞責。次日來診。笑謂病減。余診之脈果稍減。熱亦稍除。又令守服再四。竟血頓止而豁然愈矣。後以人參養榮湯增入漢三七三錢百草霜三錢。服至月餘收功。病人雖愈。而治病者究未深悉其妙。後予親羅斯疾。亦賴此方獲安。鄰人薛某者患失血症。用之亦驗。日昨棉花巷蔡某偶患失血。向余就診。仍施以此方。又應手奏效。因敢貢於同人藉資研究云。按百草霜本經不列。綱目云氣味辛溫無毒。主消化積滯。止上下諸血。蓋此物色黑入腎。水能勝火。血見黑則止也。氣溫入心。同氣相求。甚者從之也。味辛入肺。金能平木。辛以潤之也。具灰土之象。入通于脾。惟奠安中氣。培土即能斂肺。本草木之精。入通于肝。俾龍雷潛伏。降逆期在肝平也。且一物而五行畢具。木從火煨。爐中得天然之造化。質輕上浮。陰陽假人工而降升。原夫血症之由。大要不外乎腎陰虛也。肝火逆也。脾失其統帥之職。心火上炎肺金。以致陽絡傷而血從清道湧出矣。更兼童便之助。功效銳敏倍常。按綱目云。童便氣味鹹寒無

經三十七期 卷四

五十四

毒。主久嗽上氣。止勞渴。潤心肺。止吐血。滋陰降火甚速云云。二物一升一降。從而導之。引血歸經之功。左右逢源。宜其為吐血症之良方也。

血淋溺血病源及治療

會 米煥章

血淋溺血。古人以淋痛溺不痛分為二證。其實皆胃中有熱。下注膀胱故也。全匱云。跌陽脈數。胃中有熱。小便則數。是言淋病由於胃熱下注也。又云。淋家不可發汗。發汗則便血。是言淋家熱結在下。發汗則陰液重傷。水府告匱。熱逼於下。必小便出血也。內經氣厥論曰。胞移熱於膀胱。則癢溺血。蓋膀胱為津液之府。胞為受納之司。熱入膀胱。胞中外熱。陰絡內溢。故不得小便而溺血也。正理論曰。熱在下焦則溺血。由是觀之。血淋溺血二證。皆因熱注膀胱。但血淋為胃熱下注膀胱。溺血為胞熱移於膀胱耳。血淋證。陳修園用五淋湯。〔即赤茯苓白芍生山梔當歸甘草加桃仁鬱金牛膝調麝香水煎服〕溺血證。用金匱滑石白魚散甚效。〔即滑石亂髮續白魚各二分杵為散飲服方寸七日三服〕又初起病輕者。愚用牛

膝一兩。乳香一錢。二味水煎。不時飲之。通治二證亦甚效。

痢疾宜重用黃連

理學程哲

赤白痢疾者。腸胃之病也。其症之初起。大便時糞中帶出赤白如膿血狀。在中醫舊說。謂胃爲多氣多血之海。痢多爲濕熱鬱滯之症。邪傷於氣分則爲白。邪傷於血分則爲赤。氣血兩分俱傷。則赤白俱下矣。其治法主用調氣活血消食導滯之品。兼熱者佐涼藥。兼寒者佐熱藥。在西醫謂腸中生瘡。乃下膿血。方成痢疾。一則重視其局部之病。西醫一則廣推其致病之源。中醫今之醫家持論不一。而痢之爲害於人則同。裏急後重。百數十行。窘迫之苦。有如刀割。此等毒熱之症。其腐爛人之腸胃。有如白喉症之腐爛咽喉兩旁者。爛少易愈。爛多難治。火毒衝胃。即成噤口痢。痢之噤口而下膿血不止者。急治之尙可挽救。然必須重用黃連。方能收其速效。佐以行氣活血消食導滯之品。至於大黃一藥。要酌量用之。寧可使力不及而繼進。不可使瀉太過而脫元。病雖回頭頓退。尤必須再服小劑藥數日。善後調理。予

嘗治痢疾。用杭芍八錢當歸四錢厚朴三錢陳皮二錢焦查三錢砂仁二錢酒芩三錢酒柏三錢酒連三錢酒軍三錢便澀甚者加倍用水煎服。輕者一二劑即大見效。重者四五劑亦要挽回。噤口而現大虛者。始用參連開噤湯。總之痢疾愈重者。黃連更可增加。蓋黃連係苦寒之性。秉黃中之色。寒能勝熱。苦能降逆。又苦能殺蟲。即可以殺滅熱毒所生之菌。加以酒製。更可以悍然易行。焦氣入心。不致陰凝。再得陳朴之利氣。查砂之尅食。歸芍之和血。芩柏之除熱。酒軍推而蕩之。斯無往不利矣。

肝強肺弱症治療

名譽理事 劉蔚楚

俞翁之如夫人體素柔弱。加以眠食失時。輿居無節。據言三年來。時咳痰血。每藥有參芪。屢咳。歷諸大醫未愈。初秋受涼。咳甚血多。診脈弦細。舌白苔黃。余曰。此病由血虛肝亢。肝陽易升。秋涼咳劇。牽動血絡。肺氣虛而痰飲積矣。脾為生痰之原。肺為貯痰之器。宜順氣化痰。立方治之。蘇梗前胡各錢半。炒竹茹冬瓜仁鮮杷葉。款冬花各三錢。布包旋復花四錢。舊法夏二錢。北杏連皮打橘絡紫苑各一錢。淡

醫

蜜灸廣皮八分煎服另鮮梨藕汁各半杯鮮竹瀝一錢和勻服二劑病狀如前。

學

雜

誌

第三日診脈弦細。余曰久咳肺氣受損。濁飲易升受涼咳劇。今咳稍順而神倦力乏。喉癢血未止。痰之黃濁者變作清稀起泡。仍以降氣祛飲立法。前方去前胡北杏。用款冬花絲。瓜絡冬瓜仁各三錢。北沙參冬虫草銀杏肉去尖。蜜水具鮮杞葉竹茹布包。旋復花蜜水炙蘇子各二錢。炒麥冬紫苑炙廣皮各一錢。白蛤壳生牡蠣俱布包四錢煎服。至五劑前方去蛤壳牡蠣加丹參白芍浙貝母各錢半。鹽水泡川練一錢。五味子六分。鮮香櫟三片煎服。又取生大梨一枚留皮去心。納川貝母粉冰糖一錢燉食。又五劑。

再診脈弦滑舌紅。咳已漸平。然肝熱氣滯。忽胸痛氣逆。似不能下。腹微脹。此亦中虛而欠運化。其他食物恐有不合者在也。肺弱痰生。腎虧飲泛。肝亢則氣逆而兩頰紅。口燥而津液涸。血復見多。宜止痛順氣舒肺為法。畧減前方。加舊穀芽三錢射干鬱金各錢半。另上午左金丸一錢。下午舊十灰散一錢。開水下。越二日脈細

數。余曰腹痛氣逆已平。血亦少。惟肝血早虧。肺氣又弱。肺燥則痰粘。氣燥則喉癢。自覺吐痰不易。實津液不能上輸。不得執着外感壓抑其氣爲比例也。脈有中樞未運。腎氣不納之象。所宜注意焉。擬北沙參女貞子各三錢炒兔絲子炒竹茹丹參各二錢阿膠珠紫苑炒麥冬各一錢五味子八分甘草灰五分生谷芽布包旋復花生杜蠟各四錢鮮荷鼻五枚煎服另布包毛燕二錢冰糖一錢煎水代茶又煎西洋參一錢橘紅五分代茶又酥炙蛤蚧尾末川貝母粉各一錢和枇杷杷葉膏一錢開水分二次沖下。諸症漸順。因服藥太久。暫停一星期後。脈現細弱。舌絳紅。余曰久咳肺氣不收。停藥數日。交白露節氣。又多粉紅痰實係肺虛氣弱。痰飲上泛。秋燥之時。體虛者每隨天時節令而變。所謂臟氣無權。持以測病之進退死生。余師楊公極準極準不能不信。宜加意靜養爲要。方亦不外北沙參炒麥冬玉竹絲瓜絡炒竹茹蜜水炙鮮杷葉紫苑川貝母重樓金線各二錢真建蘭葉一錢金釵斛旋復花布包各三錢牡蠣蛤壳布包各四錢鮮茅根八錢炙茜草根三錢荷鼻三

枚煎服。囑其倘見血多。速買西大藥房怕托爾一瓶。每日每次服三粒三粒。愛而邦每日服六片。又製剪紅膏。能使陰虛肺胃燥而見血者斷根。方用生藕四斤留皮生梨四枚 紅棗二十枚 肺餅四枚 鮮荷葉二片 鮮白茅根八兩帶心蓮子二十粒 入鍋水熬成膏每服一湯匙每日二服開水兌服完再製。此方楊公所授。除陽虛無用外。陰虛而燥者輒效。此時約經三月。血止痰少。胃納漸加。再訂一善後方。西洋參或高麗參一錢於朮舊法夏合歡皮丹參各錢半淮山藥杜仲生地百合雲苓沙參兔絲子冬虫草女貞紫石英絡石藤重樓金線各二錢密水炙砂仁八分阿膠沙一錢五味子炒麥冬各五分不時取服。囑其慎風寒。節勞苦。和意志。禁肥膩燔炙諸物。病悉清除。此病初用參芪過重。立見氣促胸煩。提而不降也。因知對症用藥之不得有法矣。

女科暑邪內陷癰厥症治愈

名譽理事 周小農

病者 嚴橫林車夫妻倉濱草蓬甲子午月診

病名 暑邪內陷癡厥。

病因 天暑屋向西晒。感受熱邪。此草屋牀邊置行竈。其熱本盛。自因經來不暢。

症候 以紅花煮酒。邪即入於營血。侵及藏血之肝藏。癡厥乃陡然而作。

先腹痛嘔吐血沫。兩手搐搦口噤目斜。不省人事。遺尿不知。脈沈弦勁左

伏。舌不得見。

診斷 暑邪因酒引入衝脈。其血上冒。波及藏血之肝。內風乃動。

療法 清熱息風。和營散瘀。

處方 粉丹皮三錢 雙鉤藤五錢 明天麻一錢半 青蛤散五錢

銀花三錢 七孔決明一兩 益元散五錢 鮮荷葉包

玳瑁一錢半 鮮竹茹錢半 茜草錢半 鱉膠 三錢 蛤粉炒

單桃仁三錢 童便一鍾

另西血珀五分上西黃三厘羚羊尖七厘參三七三分研細開水下

結果 未處方前。隣媪尼余不定方。謂巫言不過夜也。余與方時。囑用烏梅揩齒。口開灌藥。後仍不開。其夫用火刀鑿去一齒。藥方灌入。一劑而醒。諸症頓失。經行數日旋愈。

產科血暈變臍突腹鼓治愈

前 人

病者 尤松記麪店長媳甘餘歲劉潭橋鎮丙寅葭月病

病名 產後血鼓。

病因 冬令嚴寒。至寒暑表念餘度。寢室未設火盆。初產遲延。不時臨盆。感寒由子宮而入。戰振血量三次。醋炭薰鼻乃甦。知產孩已殤。更屬動肝。

症候 產時戰振血量數次。醋炭薰鼻方甦。第三日臍突腹高。脹滿如鼓。不可手按。〔形如覆鍋較孕時尤〕高大便秘。小溲多而自遺。淋瀝不斷。入夜脹甚不眠。讞語微笑。前醫投回生丹。徒瀉稀水。

診斷 脈左微弦。右軟無力。苔薄黃糙刺。質紅。嚴寒內侵。子宮作脹。氣滯血凝。向

第三十七期 論說門

六十二

有肝氣。氣寒肝橫。子宮脹大。壓於膀胱則不禁。壓於大腸則不便。讞語微笑。瘀血有衝心之勢。

療法 理氣安神。通瘀消脹。內外並治。

處方 全當歸七錢 丹參三錢 丹皮炭錢半 單桃仁三錢

川鬱金三錢 抱木茯神三錢 娑羅子七錢 製香附三錢

遠志肉七分 失笑散六錢 鬼箭羽五錢 紫苑肉三錢

煨瓦楞子五錢

另西藏紅花三分西血珀五分鷄內金一具龍涎香一分去油沒藥七分
研細如霜人參鬚湯下。

外治藥 一因連宵失眠。火僭苔糙。內服溫藥不安。故以肉桂五分血竭一錢炙

乳沒一錢玄胡一錢失笑散錢半鬼箭羽錢半研末醋調敷臍腹。以膏藥掩之。

復診

瘀血暢行。大便解下三次甚乾。臍腹高突處已軟。初更未輕。讞妄欲笑。瘀血成塊而下。畧為安寐。小溲不禁亦愈。再理氣消瘀。安神寬脹。

全當歸五錢

娑羅子五錢

紫苑肉三錢

紅麴三錢

黑豆四錢

川鬱金三錢

丹參三錢

失笑散六錢

玄胡三錢

遠志肉一錢

鬼箭羽五錢

製香附三錢

抱木茯神三錢

另血竭一錢沒藥九分沈香四分血珀五分藏紅花二分研細末服外治臍腹仍敷末藥。

結果

當日服藥。呵欠多寐。神情轉振。改方去鬱金蒲黃。加馬鞭草三錢桃仁三錢連服二帖。腹脹全消愈。

(藥物類)

煎藥法之研究

第三十七期 藥通門

會員 米煥章

六十三

徐靈胎曰。煎藥之法。最宜深講。藥之效不效。全在乎此。夫烹飪禽魚羊豕。失其調度。尙能損人。况藥專以之治病。而可不講乎。其法載於古方之末者。種種各殊。如麻黃湯先煮麻黃去沫。然後加餘藥同煎。此主藥當先煎之法也。而桂枝湯又不必先煎桂枝。服藥後須啜熱粥以助藥力。又一法也。如茯苓桂枝甘草大棗湯。則以甘瀾水先煎茯苓。如五苓散則以白飲和服。服後又當多飲煖水。小建中湯則先煎五味去渣。而後納飴糖。大柴胡湯則煎減半去渣再煎。柴胡加龍骨牡蠣湯則煎藥成而後納大黃。其煎之多寡。或煎水減半。或十分減去二三分。或止煎一二十沸。煎藥之法。不可勝數。皆各有意義。大都發散之藥。及芳香之藥。不宜多煎。取其生而疎盪。補益滋膩之藥。宜多煎。取其熟而停蓄。此其總訣也。故方藥雖中病。而煎法失度。其藥必無效。蓋病家之常服藥者。或尙能依法爲之。其粗魯貧苦之家。安能如法爲之。所以病難愈也。若後世之醫。亦不能知之矣。况病家乎。醫者對於煎藥之法。宜先宜後。宜多宜少。宜詳告病家。毋視爲細事也可。

服藥法之研究

前人

徐靈胎曰。病之愈不愈。不但方必中病。方雖中病。而服之不得其法。則非特無功。而反有害。此不可不知也。如發散之劑。欲驅風寒出之於外。必熱服而煖覆其體。令藥氣行於榮衛。熱氣周徧。挾風寒而從汗解。若半溫而飲之。仍當風坐立。或僅寂然安臥。則藥留腸胃。不能得汗。風寒無暗消之理。而榮衛之氣。反爲風藥所傷矣。通利之藥。欲其化積滯而達之於下也。必空腹頓服。使藥性鼓動。推其垢濁。從大便解。若與飲食雜投。則新舊混雜。而藥氣與食物相亂。則氣性不專。而食積愈頑矣。故傷寒論等書。服藥之法。宜熱宜溫。宜涼宜冷。宜緩宜急。宜多宜少。宜早宜晚。宜飽宜飢。更有宜湯不宜散。宜散不宜丸。宜膏不宜丸。其輕重大小。上下表裏治法。各有所當。此皆一定之至理。深思其義。必有得於心也。

論成藥之弊

前人

我國藥料。久失查驗。丸散膏丹。尤多蒙混。奸商希圖漁利。往往一種丸散。統治百

病。社會愚民。受其蠱惑。輕病致重。重病不起者。層見叠出。愚行醫以來。觸目傷心。故贅數語。敬告同志。亦補偏救弊之一道也。卽如兒科之牛黃丸。抱龍丸。萬應散。七珍丹。保嬰丹之類。其票紙多係專治小兒急慢驚風等字樣。至藥性之溫涼補瀉。症候之寒熱虛實。毫不辨別。所謂非徒無益而又害之也。夫急驚屬實熱。慢驚屬虛寒。虛寒宜溫補。實熱宜清解。症候既殊。治法亦異。萬無一藥統治之理。且查以上諸藥。所配合者。多係剋伐之品。施之急驚。尙屬對症。慢驚投之。禍不旋踵。諺又云。小兒若要安。常服抱龍丸。一般社會人民。腦筋中印定此語。殊不知小兒受害者。已不止恒河沙數矣。

醫案門

古今醫案平議

名譽 張壽頤

虛人感冒類

感冒新邪。法當疎泄。仲聖桂枝麻黃之法。雖曰主治太陽病之中風傷寒。似與今之感冒不同。實則初感之風寒。邪在太陽。至輕至淺。亦卽感証之一。仲聖既立桂麻解肌發汗之大法。而卽曰尺中遲者。不可發汗。知真陰素弱之人。縱使有表當疎。自有不可不遲洄審顧者。後人因此而立參蘇飲。補中益氣等湯。以爲補中兼發。可以兩合機宜。豈知病情各殊。變化不一。隨不敢謂虛人外感。必無巧合參蘇益氣之症。然亦胡可拘守呆板之方。以應無窮之變。讀古人治案。自有條理可尋。然且未免得失互呈。瑕瑜不掩。則虛之一字。所賅者廣。而感受新邪。亦必各有不同之點。如執死方以治活病。是趙括徒讀父書。可操必敗之券矣。爰集舊案以示

準繩。即江寧南魏玉璜內傷一門之舊例也。

〔許學士本事方〕丘生者病傷寒。許診之。發熱、頭痛、煩渴、脈雖浮數而無力。尺以下遲而弱。許曰：雖麻黃症而尺遲弱。仲景云：尺中遲者，榮氣不足，血氣微少，未可發汗。用建中湯，加當歸、黃芪、冷飲。翌日脈尚爾。其家煎迫，日夜督發汗藥，言幾不遜矣。許忍之，但只用建中調榮。至五日，尺部方應。遂投麻黃湯，啜二服，須臾稍定。畧睡，已得汗矣。信知此事爲難。仲景雖云不避晨夜，即宜便治。醫者須察其表裏虛實，待其時日，若不循次第，暫時得安，虧損五臟，以促壽限，何足貴也。

〔平議〕既曰此是麻黃症，則必畏寒無汗可知。脈浮且數，發汗固宜。惟尺中遲弱，則下元素虛，妄與升發，搖動腎根，爲變必巨。〔案中尺以下二字當作尺中〕黃芪建中加歸，滋血液而立中州陽氣，使其砥柱有權，必至尺脈已振，表証未除，然後一鼓驅之，乃無回顧之慮。然後服汗藥而先狂後汗，尙是正與邪爭之象，設不預爲之防，豈非得汗與否，必在不可知之數，而變且莫測耶。讀古人誤

表變劇諸條。正可與此案互相對勘。

〔朱丹溪治案〕從俞東扶古今醫案按本〕○一人素嗜酒。因暴風寒。衣薄。遂覺倦怠。不思飲食。至夜大發熱。遍身疼痛如被杖。微惡寒。天明之診。六脈浮大。按之豁然。左爲甚。因作極虛受風寒治之。人參爲君。黃芪白芍歸身爲臣。蒼朮甘草木通乾葛爲佐。使大劑與之。至五貼後。通身汗如雨。凡三易被。得睡。覺來諸證悉除。

〔平議〕發熱身痛惡寒。誠是仲景之所謂麻黃症。然脈大而空。左手尤甚。本實先撥。顯有明徵。仲景謂尺中脈微。此裏虛也。須表裏實。津液自和。便自汗出愈。又謂尺中遲者不可發汗。慎重叮嚀。最宜注意。然仲師雖有是論。尙未立施治法。得學士丹溪二條。其及可以隅反矣。

〔又〕從俞氏古今醫案按本 盧某年四十九歲。自來大便下血。脈沉遲澀。面黃神倦者二年矣。九月間因勞倦發熱。自服參蘇飲二貼。熱退。早起小勞遇寒。兩手背與面紫黑。昏仆少時却醒。身大熱。妄語。口乾。身痛至不可眠。丹溪脈之。三部不

調。微帶數。重取虛豁。左手大於右手。以人參二錢半。帶節麻黃。黃芪各一錢。白朮二錢。當歸五分。與三五貼得睡。醒來大汗如雨即安。兩日後再發熱脇痛咳嗽。若睡時嗽不作而妄語。且微惡寒。診其脈似前。而左略帶緊。丹溪曰。此體虛再感寒也。仍以前藥加半夏茯苓。至十餘貼。再得大汗而安。後身倦不可久坐。不思飲食。用補中益氣去涼藥。加神麴半夏砂仁五七十貼而安。○此丹溪治案。魏玉璜誤作許學士。今王孟英校刻本雖已注明。而尙有許曰二字。非也。

〔平議〕素有使血。中氣大傷。津液已耗。初之發熱。亦是感冒新涼。故服參蘇飲而熱退。再因勞感寒。發熱身痛。仍是虛人之傷寒。雖有手面紫黑昏仆妄語不情之症。而自知身痛至不可眠。則乍昏即醒。非類中之猝仆。脈既不調。重取虛豁。自當以極虛受寒。治其所重。以參芪歸朮合帶節麻黃並投。補而且發。又是。一定規範。至又發熱而脈帶緊。確又感受外寒。誠以內傷不足之人。得汗之後。衛陽氣衰。表不自固。腠理一開。感寒更易。仍守前方。不爲搖惑。定識定力。尤其

可師。而後之神倦不食。連授益氣正。以此人便血已久。面黃神倦者二年。脾胃清陽下陷。東垣成方。本爲此症而設。是治其向來宿恙。非是病後調理通套之方。讀者斷不可與薛立齋諸案混作一例觀。

〔又〕○從古今醫案按本○一老人飢寒作勞。患頭疼惡寒發熱。骨節疼。無汗。妄語時作時止。白服參蘇飲取汗。汗大出而熱不退。至第四日。診其脈洪數而左甚。朱曰此內傷證。因飢而胃虛。加以作勞。陽明雖受寒氣。不可攻擊。當大補其虛。俟胃氣充實。必自汗而解。遂以參芪歸朮陳皮甘草加附子二片。一晝夜盡五貼。至三日口稍乾。言有次緒。諸症雖解。熱尙未退。乃去附加芍藥。又兩日漸思食。頗精爽。間與肉羹。又三日。汗自出。熱退。脈雖不散。洪數尙存。朱謂此脈洪當作大論。年高而誤汗。以後必有虛證。又與前藥。至次日。自言病以來。不更衣十三日矣。今穀道虛坐努責。迸痛如痢狀。自欲用大黃等物。朱曰大便非管閉。乃因誤汗。而虛不得充。仍用前藥。間以肉汁粥及菘菘粥與之。翌日濃煎椒葱湯浸下體。方大便。診

其脈仍未飲。此氣血仍未復。又與前藥。兩日小便不適。小腹滿悶。但仰臥則點滿而出。朱曰。補藥未至。與前方倍加參芪。兩日小便方利。又服補藥半月而安。

〔平議〕高年氣液兩衰。而飢寒作勞。感邪易入。參蘇飲雖專爲虛人感冒而設。然蘇葉辛散。葛根升泄。未始非發散猛劑。汗大出而熱不退。已引起虛陽升騰。莫止。第四日之脈。但言洪數而左甚。似尙是陽明熱盛之實症。然下文一則曰。脈雖不散。再則曰。脈仍未飲。可見當初洪數之中。不任尋按。外似有餘。而豁然中空。寧非過汗陰液大泄。浮陽飛騰。幾有欲脫之慮。丹溪謂當大補其虛。俟胃氣充實。必自汗而解。正與仲聖須表裏實。津液自和。便自汗出愈之一條。同符共軌。而參芪歸朮之中。引以少許附片。是預爲亡陽防閉。目送手揮。尤其心細。連授三日。而言語有緒。養陰涵陽。魂魄精神。始返其宅。而熱猶未退。仍是陰液未充。附去芍加專顧陰分。至胃氣昭蘇。更以血肉有情。助其布護。又三日汗出熱除。脈乃不散。可見老人陰津本少。復之甚易。調復大難。過汗變端。思之可畏。

十三日不更衣者。無非汗後液傷。胃腸枯涸。虛坐努責。豈可與滯下齊觀。誤與通腸。必使前功盡棄。此又不僅在識之既確。而全在守之能堅。方不有始鮮終。功虧一簣。案中叙述症情。曲折明白。無一模糊浮泛之辭。是古書中最不多得者。斷不可草草讀過。食而不知其味。未完

雜俎門

祝由科

黃帝素問移精變氣論。有祝由科。謂人病不用鍼石藥餌。可祝而愈。南史劉宋時。薛伯宗善徙癰疽。公孫秦患背疽。薛爲氣封之。徙置階前柳樹。背疽遂消。樹便起一瘤如拳。二十餘日。瘤長膿。出汁斗餘。樹遂痿損。又夷堅志載深陽巫能治骨體。長巷村人王四。食鵝遭醜。三日不能食。且死。遣子詣巫。巫於竈內取灰。篩布地上。炷香焚紙錢。誦咒召神結印。次以葦筒作小犁狀。耕灰中。云骨甚勁。凡一至再。筒中忽微有聲。亟傾注水盃中。乃鵝翅骨也。巫所居距長巷村四十里。王子至家。父已平復半日。此即上古祝由之術也。世之巫覡。運神攝氣。書符咒水。歛召鬼神。自有此理。天地間何往而非一氣之流行。一心之運用哉。

通訊門

吳興中醫協會章程

第一章 總綱

第一條 沿革與定名 本會原名湖州醫學會成立於前清宣統三年民國紀重行組織呈准立案投名吳興中西醫學會現值政體革新再行改組定名為吳興中醫協會

第二條 宗旨 本會聯合吳興合邑中醫組成有統系的團體以互助的精神研究醫學義理策勵醫術進步並謀民衆之健康求公共之衛生

第三條 本會應進行之事項如左

- (一) 附設醫學研究所及討論會
- (二) 發行會刊或醫報以闡揚醫理講求衛生介紹新知互通聲氣

〔三〕 籌募基金收回舊有施診所養病所設立醫院爲普濟貧病

〔四〕 籌辦醫校造就醫學人才或設他種學校普及教育藉以灌輸

衛生常識

〔五〕 搜集古今醫學圖書設立圖書館

第二章 組織

第四條 執行委員會由全體大會選舉執行委員九人候補執行委員五人執

行本會一切事務並在委員中互選委員長一人「選舉法按照臨時情形另定之」

第五條 職員各股主任及理事由執行委員兼任分以下各股辦事其股員由

各股主任聘任並得兼任

〔一〕 理事股 主任一人 理事二人

〔二〕 秘書股 主任一人 書記二人

〔三〕 經濟股 主任一人 會計一人

〔四〕 交際股 主任一人 股員五人

〔五〕 審查股 主任一人 股員四人

〔六〕 庶務股 主任一人 股員二人

〔七〕 編輯股 主任一人 編輯員四人 股員二人

〔八〕 研究股 主任一人 管理員一人

第六條 監審委員由大會選舉三人有監察執行委員會之權

第三章 會員

第七條 會員資格 凡行業醫士贊同本會宗旨有公民資格者由會員二人

以上之介紹經本會審查合格皆得為本會會員入會時填具志願書及二寸半身相片本會給與會證

第八條 名譽會員 凡本會會員一次助特別捐在五元以上或對會務有

第三十七期 通訊門

七十八

特別功績者或非醫界而以精神襄助或以經費圖書器具捐助本會經本會執行委員會審查合格贈以名譽會證以示優異

第九條 特別會員 凡本會會員如有遷徙他省或他縣行醫仍贊助本會者或吳興籍之醫士在他省或他縣行醫贊同本會宗旨而入會者為特別會員

第十條 本會會員應盡之義務如左

- 〔一〕 會員有介紹同志入會發展會務之義務
- 〔二〕 會員有為本會服務社會之義務
- 〔三〕 會員有投稿本會一切出版物之義務
- 〔四〕 會員有担任本會會費之義務

第十一條 本會會員應享之權利如左

- 〔一〕 會員有選舉被選舉權及承委為本會職員之權

〔二〕 會員有提出建議案之權

〔三〕 會員有質問商榷之權

〔四〕 會員有著作及發明醫藥出品經本會審查得分布各同志担任推廣之權

〔五〕 會員於業務上有被誣情事經本會查明確實當代為伸理盡保護之權

〔六〕 會員有免費享閱本會會刊及醫報之權

〔七〕 會員之處境困難或身後之孤孀得享受本會之恤助

第十二條 委員職員之任期每年改選一次如連選得連任惟不得繼續過二次

第四章 經費

第十三條 本會經費由各會員担任入會時先繳入會費一元常捐每月大洋

一角

第十四條 如舉辦進行事業由執行委員會之議決得徵收特別捐其方法臨時議定之

第十五條 本會常年收支由經濟主任分配按月造冊報告並繕具清賬實貼會所以資徵信

第五章 會期及表決法

第十六條 本會會期區分如下

〔一〕 全體大會 每年陽歷四月一日召集舉行選舉及討論一切興革事宜

〔二〕 執行委員會 至少每月二次討論一切會務

〔三〕 特別大會 遇必要時經執行委員會之議決得召集全體開特別大會

第十七條 本會表決法以到會出席人數得過半數之同意爲表決有效候補

執行委員於執行委員會中有發言權無表決權

第六章 公約

第十八條 會員須遵守本會會章服從本會議決案

第十九條 會員有一年以上不納常費及違背會章敗壞本會名譽者一經調

查確實由執行委員會之議決宣告除名追還會證

第二十條 本會會員職員在外不得以個人行爲假借本會名義

第七章 獎勵

第二十一條 本會職員對於會務有特別功績者贈以獎章服務勞苦卓著者

酌給酬勞以資鼓勵

第二十二條 本會會員有醫學之著述及醫藥之發明經本會審查認爲確能

裨益醫藥界者由本會給予獎章證書以資褒揚

第二十三條 本會會員名譽會員特別會員認特別捐在一百元以上或個人

募集經費在五百元以上者由本會贈與特別名譽獎章或勒石

以紀功

第八意 會址

第二十四條 本會會址吳興青銅門內舊天醫院

第九章 附則

第二十五條 本章程如有不當或未盡事宜得隨時修改

附錄

際此革命功成。民間各界均在組織團體。共謀本身之福利。保障職務上之自由與安全。我中醫界自應起而籌備。以鞏固同人之團結。促進醫業之進步。省垣中醫協會業已成立。我湖同志。為迎合潮流計。協會之組織。不容緩也。

君諸均以中醫為終身之行業。莫不希望中醫地位之提高。業務之發展。然無業

固之團結。振作之精神。希望安能成事實。况政府漠視於前。西醫侵略於後。苟我中醫。不有作爲。何能引起政府之提倡。更何能戰勝西醫之侵略。惟有團結。方足以言作爲。

醫生攷試登記。始行於廣東。繼行於上海。將來勢必遍及於全國。諸君莫不懼考試之苛嚴。恨取締之多事。雖然。徒抱恨懼。實際何裨。須知醫事關乎生命。良莠不齊。理宜取締。考試登記。極所應有。惟我醫界。苟無鞏固之團結。不足以保障職務上之自由與安全。更不足以維持自身之福利與發展。完全受制於人。方覺恨無保障。懼難維持之苦痛。實深於考試取締之可懼可恨也。故鞏固之團結。不可不亟起進行。

今吳興中醫協會之籌備成立。卽聯合吳興全邑同志。爲鞏固之團結。並圖行業上有力之保障。與省垣中醫協會。彼此援助。互通聲氣。將來經濟充足。更當力圖發展。如設立醫校醫院圖書館等等。茲者進行之初。先行籌辦施診。所以濟貧病。

第三十六期 通訊門

八十四

附設研究所。資討論。並出版會刊或醫報。宣揚學理。攻僥新知。爲會務進行之方針。凡我同志。既明現代之潮流。中醫之趨勢。慎毋觀望。共起圖成。謹此宣言。

吳興中醫協會籌備委員會謹啓

譯叢門

近年來西醫採用之中藥

續三十六期

費澤堯

肉桂皮 西名 *Cinnamomum* 產中國廣西越南等處。錫蘭海島亦產之。入藥用樹皮。色櫻紅。味香而甜。內服功能開胃暖胃。西藥局方有香散。又名肉桂製散。
Iris Cinnamomi Compositus 卽以桂皮五分。砂仁三分。薑根二分。豆蔻二分。丁香一分。共研和而成。用以溫胃行氣極效。

桂皮油 *Oleum Cinnamomi* 自肉桂皮蒸餾而成。內服一至四滴。滴白糖內服。功能開胃。暖胃。收斂。祛風。

蒲公英 西名 *Taraxacum* 中西均產。入藥用根乾鮮皆可。內服功能輕瀉。動膽汁。善療肝塞臌症。及瘡疾。製水劑膏劑服之。

草烏頭 西名 *Aconitum* 產中國及歐洲印度等處。入藥用根葉。味甜而苦辛。

入口能令唇舌麻木刺痛。內服或製膏劑。或製酒劑。功能鎮靜腦筋。止痛。寧睡。消炎。善療關節痛風。肝胃氣痛。心臟肥大等症。外用擦劑。治風濕疼痛。及腦氣筋疼。均佳。惟藥性酷烈有毒。用宜慎之。近有西藥 *A Conitina* 乃用化學提煉而出之草烏頭精。用製軟膏。外貼止神經痛。較用擦劑。效尤安速。

麝香 西名 *Moschus* 乃自滿洲西藏等處所產麝鹿。自其陰莖前膜取出所裹之香。其色棕紅。有極烈之芳香氣息。能溶解於酒精以脫內。不溶解於冷水。微溶解於溫水。內服製酒或製丸。功能行氣。行血。解轉筋。善療心臟衰弱虛悸等症。

海狸香 即海狗腎。又名脛肭臍。西名 *Castoreum* 乃自中國北省及美國俄國所產之海狗。自其臍旁取得所結之核也。製酒劑內服。功能行氣。解轉筋。善治羊癩風等之精神病。及悸類之心臟病。過服多量。令人脈數發熱。

鷄內金 即鷄肫皮。西名 *Sagittaria* 乃自鷄肫內皮取出晒乾而成。功能助胃消化。與 *Pilissimum* [譯名百布聖即胃液素] 同。

斑蝥 又名斑貓。西名 *Cantharis* 乃荳莢上所生之飛虫。中國湘鄂陝魯等省多有之。法俄各國及西班牙亦有之。製酒劑或丸劑內服。功能行氣利尿。壯陽。用治陽痿極效。惟多服之。能令小便熱痛。故內服宜慎。製軟膏外用。弔炎起水泡。能引病外出。凡肺炎心囊炎等。均可用於胸前部擦之。

水蛭 即螞蟥。西名 *Hirudo* 中西均產。取其體小而有斑點者為佳。外用吮血消散毒炎。用後若血流不止。則用止血劑以止之。

沒食子 西名 *Galla* 中西均產。生柞木等樹上。因虫而生。煮水或製酒內服。功能收斂。善療內部血出。血崩血尿及咯血等症。外作洗水。治鼻齶牙齦。或作射水。治白帶白濁。均佳。西藥局方沒食子酒。 *Tinctura gallae Campasita* 即以沒食子末二分。桂皮末豆蔻末各一分。共浸白蘭地酒三十二分內。製成。用治久

瀉不止極效。又沒食子軟膏。Vnguentum Gallae 即以沒食子細末。和以安息
 香脂。調成油膏。用治痔瘡極效。

五倍子 西名 *Gallae Rhais Quiniferae* 產中國四川等處。乃產鹽麩子樹上。亦因
 虫而生。功用與沒食子同而力較遜。

大麥仁 西名 *Hordeum Distachium* 即薏麥仁。各國皆產。入藥宜先春去外層
 粗皮。煎煮內服。滋潤養生。

薏苡仁 西名 *Coix Loxchryma* 即薏草所結之子粒。功用與大麥仁同。病人食
 之易消化。

麥芽 西名 *Psyllium* 即薏麥之萌芽。焙乾用。味甜有香氣。功用與大麥仁同。
 芝麻 西名 *Sesamum* 中西皆產。入藥用葉及子之油。內服潤劑。芝麻油。

Oleum Sesami 味香。色棕紅。功用養生。輕瀉。可為橄欖油。 *Olivaleum* 之代
 用品。

胡麻仁 西名 *Lini Stamina* 中西皆產。內服潤劑。或榨油用。名胡麻油。卽亞麻仁

油。 *Oleum Lini* 內服功能輕瀉。又善爲魚肝油之代用品。凡患肺癆不能服魚

肝油者。可用以代之。因其所含滋養性。不亞於魚肝油。而無可厭之氣息。故也

乾薑根 西名 *Zingiber* 產中國印度等處。入藥用根。味香而辛。製酒內服。功能開

胃。煖胃。行氣。與瀉劑同服。能免腹痛。

高良薑 西名 *Galanga* 產中國閩粵等處。入藥用根與子。功用與乾薑同。

芥菜子 西名 *Sinapis* 中西皆產。有黑白二種。黑有油。白無之。入藥用黑白各半

爲佳。共研爲末。成黃色粉。味苦而辛。泡水內服。功能行氣。治噎氣極效。吞子數

粒。則輕瀉。用末溫水送服。則湧吐。解阿片毒頗效。以芥子末與鷄蛋白調和如

漿。用作外敷。功能運血弔炎。並無起泡之弊。芥子油 *Oleum Sinapis* 乃自黑芥

子末浸水蒸餾而成。外用弔炎。

蒜頭 西名 *Allium* 各國皆產。味辛而熱。其臭刺鼻。內服開胃化痰。外用搗敷。善

第三十七期 譯藥門

治腹痛胃疼。亦可用以弔炎。

番椒 卽辣椒。西名 *Capicum* 各國皆產。結實分紅綠兩種。畧有芳香氣息。味苦而辣。製酒內服。行氣開胃。暖胃。善治腹瀉霍亂等症。浸酒外用。以軟布蘸擦。能愈凍瘡。以綿球蘸塞牙穴。能止牙痛。

橙皮 卽苦橘皮。西名 *Aurantii Cortex* 中西皆產。鮮者製酒劑或橙皮油用。乾者製水劑或糖劑用。內服功能溫補暖胃。行氣開胃。橙皮 *Oleum Aurantii* *artificis* 乃自新鮮之橙皮榨出。內服一至五滴。善行氣祛風。

九十

星期徵稿選刊

中風傷寒熱入血室之研究

曹亨泰

仲景云。婦人中風。發熱惡寒。經水適來。得之七八日。熱除身涼。脈遲。胸脇下滿。如結胸狀。譫語者。此為熱入血室也。當刺期門。隨其實而瀉之。○婦人中風七八日。續得寒熱。發作有時。經水適斷者。此為熱入血室。其血必結。故使如瘧狀。發作有時。小柴胡湯主之。○婦人傷寒發熱。經水適來。盡則明了。暮則譫語如見鬼狀者。此為熱入血室。無犯胃氣及上下二焦。必自愈。

按病在經脈而如結者。不獨男子也。婦人中風發熱惡寒。當表邪方盛之際。而經水適來。蓋經水乃衝任厥陰之所主。而衝任厥陰之血。又當取資於陽明。今得病之期。過七日而至八日。正值陽明主氣之期。病邪乘隙而入於裡。則外熱除。而脈遲身涼。已離表證。惟衝任厥陰。俱循胸脇之間。故胸脇下滿。如結胸之

狀。而且熱與血搏。神明內亂而後譫語者。此爲熱入血室也。治者握要而圖。只取肝募。當刺期門。隨其實而瀉之。何以謂之實。邪盛則實也。經水未來。因病而適來者。既明其義矣。而經水已來。因病而適斷者何。如婦人中風七八日。業已熱除身涼。而復續得寒熱。發作有時。其經水已來而適斷者。蓋以經水斷於內。則寒熱發於外。雖與經水適來者不同。而此亦爲熱入血室。其熱爲邪所阻。則必結。結於衝任厥陰之經脈。內未入藏。不在表而在表裡之間。乃屬少陽。故使如瘧之狀。發作有時。以小柴胡湯主之。達經脈之結。仍藉少陽之樞以轉之。俾氣行而血亦不結矣。熱入血室。不獨中風有之。傷寒亦然。婦人傷寒。寒鬱而發熱。當其時經水適來。過多不止。則血室空虛。熱邪乘虛而入之也。晝爲陽而主氣。暮爲陰而主血。今主氣之陽無病。故晝日明了。主血之陰受邪。故暮則譫語如見鬼狀。醫者當於其經水適來而定其証曰。此爲熱入血室。非陽明胃實所致也。既非陽明胃實所致。則無以下藥犯其胃氣。及上二焦。胃中之汁。不可以

不可以吐汗傷之。俟其經水盡。則血室之血。復生於胃府水谷之精。必自愈。慎不可妄治以生變端也。

痢症之名不一。噤口痢有休息。有酒客痢。有老年痢。又

有久痢。試就各證及其治法詳言之。景開基

凡痢初患。元氣未虛。必須下之。下後未愈。隨症調之。稍久者不可下。胃虛故也。痢多屬熱。亦有虛與寒。寒者宜溫。虛者宜補。年老虛弱人。不宜下。大便秘了而不了者。血虛也。數至圜而不便者。氣虛也。赤屬血。自小腸而來。白屬氣。自大腸而來。凡赤白色者。非寒熱之說。乃血氣之別也。噤口痢者。有冷有熱。有冷熱不調。皆須先發散表裏。如手心熱。目赤是熱。宜敗毒散加陳米。手心冷者。下白痢是寒。宜用運肉不去心。爲末米飲調服。若熱上衝心。腹痛。邪正相爭。此熱重之實證。白頭翁湯主之。如脉細微。濕熱入裏之象。右手弦。肝木尅上之象。乾嘔。裏急後重甚者。積滯逆多也。以加減瀉心湯主之。此偏濕熱太重。實證之方也。如嘔不饑。胃關欲閉矣。積

邪少。痛緩遲。是邪少虛多。脉弦者。金匱云弦則爲減。蓋陰精陽氣。俱不足矣。口不渴者。病入陰也。法宜急扶胃氣爲要。加味參苓白朮散主之。此邪多虛少。治中焦之法也。此方通宣三焦。提上焦。瀉下焦。而醒中焦爲要也。胃關不開。由腎閉之故。下焦爲主。肉蓯蓉湯主之。此邪少虛多。治下焦之法也。凡休痢者。止而復作也。因下焦陰陽皆不能收攝也。言似乎癥瘕。而其實非也。是少腹之氣結耳。以參芍湯主之。久痢者小便澇。陰液涸矣。食欲嘔。脾胃敗矣。以加減理陰煎主之。若陽不傷。食不少。有嘔之象。又可以去剛增柔。用成方總以活潑流動。對證審藥爲要。老年痢者。下虛久痢。脾腎傷。食滑便澇。肛墜氣脹。濕熱少。不腹痛等證。是邪少虛多。故用雙補湯主之。而臟已軟。故雖滯下不淨。必以補臟固正立法。於此亦可以悟治病之必先識證也。酒客痢者。由濕熱留注於腸中。食且不減。脾胃未傷。以茵陳白芷湯主之。使濕熱去。脾陽升。痢自止矣。

針灸討論會治法選刊

內經鍼灸多於湯藥之研究

李思桐

內經上古書也。上古之人。勞不至倦。逸不至流。食不肥鮮。衣不蘊熱。以傷其外。起居有節。寒暑知避。恬淡虛無。精神內守。病安從來。雖有賊風虛邪。莫能深入。不過湊於皮膚。經滯氣鬱而已。以鍼行氣。以灸散鬱。則病隨已。何待於湯液耶。當今之世。道德日衰。不知持滿。不解御神。務快其心。過於逸樂。起居無節。寒暑不避。故病多從內生。外邪亦易中也。此古之治病。鍼灸所以多於湯液乎。亦不盡然也。古有三墳。黃帝內經。與神農本草經。鼎足並峙。况四時有高下之殊。四序有非時之化。百里之內。晴雨不同。寒暄各異。人若感受。有即病者。爲外傷。故內經明言鍼刺治其外。湯液治其內。自和緩以後。湯藥盛行。固由界不古若。亦業針者。法之不精。傳受之不得其訣耳。非古用針灸多。今因針灸少。亦非湯液宜於今。不宜於古也。

第三十七期 針灸討論會治法選刊

九十六

難經東方實西方虛瀉南方補北之研究 李思侗

却病之道。莫妙於針灸。而針灸之功。尤莫要於補瀉。此經所謂百病之生也。皆有虛實。而補瀉行焉。是矣。假令知有補瀉。而不能明虛實。其不至瀉虛補實。神去其室者。幾布矣。故王叔和引經言。特示人以知虛實之義。曰東方實西方虛。是謂肝實而肺虛也。又言瀉南方補北方者。何也。蓋以五臟各有五俞者。木火土金水。有子母相生之義也。夫既肝實經言實。則瀉其子瀉子。則子虛反食母氣。邪實自可盡去。火者木之子。是謂取肝經之行間穴。以瀉榮火也。又恐僅瀉行間。邪實既憊。居榮火之位。必阻遏肝經之正氣。不能上達。隨瀉隨居。留而不去。故未復申其旨。曰補北方。是謂補肝經曲泉之水穴。補水以勝火。兼可濟金之不足也。醫家不明經宗旨。反云瀉南方者。謂取手少陰心經而瀉之。補北方者。謂取足火陰腎經而補之。殊不知肝與肺既病。心腎再有邪實。脾居中州。四面受敵。豈有不病者乎。五臟俱病。是謂癆瘵。則難治療。經何不曰難治。而復指其補瀉之法乎。

編輯處啟事

啓者古今醫案充棟汗牛竊謂案者法也老吏斷獄鐵案如山熟於法耳若平平無奇或以病試藥偶然倖中者似未可以案稱本雜誌醫案門多選古人精粹良法畧別種類分期登載現仍資料無多凡我同人熟於前輩醫案醫界舊聞名醫歷史筆記瑣錄之類望祈隨時抄示俾便分登一俟彙集較多彙刊成帙定當奉酬若干册以副雅贖不勝企盼之至趙意空謹啓

*楊如侯先生靈素生理新論出版廣告 是書原擬刷印

一千部嗣以不敷銷售特再加印五百部以公同好兼爲振興國學溝通中西起見將本書原價定爲實碼八折每部售洋三元二角其躉購十部者另贈一部遠道並免去郵費以期普及郵票代洋九五折算書存無多購請從速

代售處山西省城

中醫改進研究會
橋頭街航慈醫院

第三十七期 廣告門

九十八

中醫雜誌

上海中醫學會出版

〔一〕(內容)分專著學說醫案筆記藥物學驗方釋辯錄會務紀載等十餘欄皆屬近代名賢精心結撰之作已出至十七期

〔二〕(定價)每册大洋二角五分購滿六册者減售一元四角

〔三〕(郵費)國內每册三分國外八分多則照加掛號另加五分

〔四〕(函購)郵局不能兌匯之處可以郵票代現惟須照九五折計算

〔五〕(彙選)第一至四期均已售罄特刊彙選發行上下二册實價一元二角郵費八分

〔六〕(附誌)第五期已售盡本會員通信處詳載紀念册以便互通消息每册售洋五分

總發行所 上海西門內石皮弄中醫學會雜誌社發行部

上海中醫雜誌五八彙選增編預約

本雜誌出版以來銷行海內外一至四期彙選再版後供給預約反另售存書亦

已無多第五期至第八期轉瞬亦已銷書而遠近催印彙選者紛至踏來若重違其意殊非本會闡揚中醫學術之意用將五六七八各期精選一過前後啣接更加入有價值之形著多篇材料不減於一四彙選而學術精警且復過之裝精兩大厚冊都四十萬言唯以篇幅增繁編印需時非丁卯六月間不能出版自即日起發售預約每部洋一元寄費一角出版後實售一元五角不折不扣愛讀本誌諸君及有整理中醫學術之志願者尙希早日預約爲幸特此露佈

張壽甫先生四期 ▲中參西錄每部定價二元郵費五分滄州立達醫院發售

介紹浙江紹興醫藥月報

紹興醫藥月報爲浙紹何廉臣先生編輯內容精美每月一期定價一角全年一元半年五角五分郵費每期五釐全年六分民國十三年正月出版發行所 城石門檻興醫藥月報社及紹城大街天芝堂藥號

江蘇全省中醫聯合會 (出版月刊增刊)

月刊分常評言論專件專著筆記研究雜錄消息編輯課本等類以發揚國粹聯絡感情爲宗旨增刊分學說醫案筆記表解選方醫籍考驗方等類每期限一病以專研究合裝一冊已出四十三期定價每期五分郵費一分全年連郵六角六分第一至二十期已售罄二十一期至四十期裝有彙編每冊半元寄費五分總發行所上海西門內廣益中醫院

第三十七期 廣告門

第十七期 廣告門

嚴氏金匱廣義出廣告

是書為慈谿嚴鴻志先生所著內容精美外觀雋雅洋裝兩巨冊定價大洋壹元
 貳角現售照碼九折十部以上八折連郵費在內以十三年舊曆十二月為限限
 滿不折不扣發行處在甯波慈谿東鄉費家市嚴氏養正學校遠地如以郵票代
 洋准三分以下之郵票為合格按九五折計算書印無多購請從速
 慈谿中醫學會同人公啓

中國醫學界惟一的評論刊物

▼醫界春秋 月出一冊價洋八角
 全年十二冊價洋九角

對於 醫界作公正之評論
 社會謀健康之幸福

陳舊的學說極力剷除
 國粹之精華盡情披露
 欲謀醫界之革命者不可不讀

總發行所 上海二馬路雲南路 醫界春秋社
 口安康里二二七號

代售處 上海四馬路中華書局
 上海三馬路千頃堂

江左國醫講習會所招生簡章

本所整理舊學輸進新知研究國粹交換知識確定正宗普及教育為宗旨故必
 聯絡多數同志為徹底之研究凡醫學藥學以及道學佛學儒學國文易學精神
 學地理命理卜筮等學有志研究者不限男女不拘何時均可自由報名入學每
 科學費大洋拾元保證金四元以一年為畢業期限優待期內免去學費講義費
 書籍費及往來郵費皆學員自備
 〔通函報名處〕 恒興油號收轉

代售醫書

中國診斷學實用一冊四角 麻症集成二冊五角 衷中參西錄二冊乙元五角
 靈素生理新論二冊三元二角 衛生必讀一冊二角
 票代洋九五折扣回件郵力外加一成書存無多購請從速

時逸人先生通函問症潤例

為便利遠方病家起見特設通函問症詳述現病之狀態苦脈尤宜詳細以及經
 過之情形當即代擬藥方根本療治服中藥服西藥皆可各隨其便診資每大洋一元正

時逸人先生批命潤例

批命單張乙元 細批流年一元 細批行運 貳元
 細批五年五元 細批十年十元 細批終身陸拾元
 五元以內郵票通用外加 回件郵力
 外埠用郵票免去

〔仰即廣為吹噓〕

收件處江蘇儀徵十二圩官街恒興油號代啓

無錫王旭高名書六種出版廣告

先生醫案柳君寶詒已選入四家醫案尙有退思集穎方歌註醫方證治彙編歌訣增訂醫方歌訣醫方歌括薛氏濕熱論歌訣西溪書屋夜話錄治肝秘訣六種於傷寒濕溫雜證肝病闡解詳明思路新穎凡在醫林允堪研究醫校學生尤便誦習茲由吳縣陸晉笙君重訂小無錫周農君精校交上海千頃堂石印每部六角八折掛號郵費一角各省大書坊均有寄售

分售處無錫西門外棉花卷周小醫農室

蘇州女科醫社招生簡章

- (一)宗旨 本社應社會之需要教授女科醫學知識以養成女科醫士爲宗旨
- (二)社址 蘇州城內臨頓路中白塔子橋西堍
- (三)學科 本社學科以生理衛生病理診斷藥物爲基本科學以內科女科產科調劑治療爲應用科學以醫論醫案廣其學識以臨證實習博其

經驗

〔四〕講義本社講義共分十三種

〔1〕內經生理學〔2〕女科生理學〔3〕內經衛生學〔4〕婦女衛生學〔5〕中國藥物學〔6〕病理學〔7〕診斷學〔8〕內科治療學〔9〕女科治療學〔10〕產科治療學〔11〕中醫調劑學〔12〕女科醫論〔13〕女科醫案

〔五〕程度

凡男子年在十六歲以上品行端正國文清通有志研究女科醫學者皆可報名入社

〔六〕報名

報名者須填寫報名單並繳最近四寸照片一張及報名費五元（不取發還取則作入學費惟取而不到者不發還）本社收到後隨發收條及國文試題試驗合格與否即發通知書

〔七〕入學

入學時須由學生親填志願書保證人親填保證書並繳清應納之

費

〔八〕納費

每學期學費廿四元講義費六元〔不足補繳餘則發還〕雜費三元
如住讀者另加宿費四元膳費四十元〔半膳者減半〕

〔九〕畢業

三年畢業試驗及格發給畢業證書並呈請江蘇全省中醫聯合會
發給檢定證書以昭慎重

〔十〕優點

未社有優點數則歷述如左

(1)本社主任教員皆係內務部註冊之女科專家曾得蘇川鄭氏紹
興錢氏蕭山竹林寺等世代女科之祕本真傳

(2)本社講義皆係本社新編闡古今之祕奧采中西之精華無不詳
備精確切合實用與坊間出版之醫書迥然不同

(3)臨診經驗為預備開業者必不可缺之智識本社對於此項特別
注重設有女科診病室以備學生實習而資造就

(4)暑假期內病證最多如學生願留社實習者免收學費

第三十七期 廣告門

一百〇五

蘇 州

女 科 醫 社 報 名 單

[姓名] [籍貫] [通信處]	[年齡] [住址]	中 華 民 國 年 月 日
-----------------------	--------------	------------------

附報名單

(5) 婦女之病較男子複雜而難醫且各地專門女科尤為缺乏凡在本社畢業者俱為女科專家頗合社會之需要

(6) 本社學生畢業後如願留社者當擇優請為助診員酌給薪水

(7) 如學生開業後遇有疑難之症得來社或通函質問本社當詳細答覆或代為擬方俾畢業學生有治病優良之成績

主任 繆康壽 全訂
 王慎軒

山西官民 日日必需
海內外 處處爭購

晉民快覽 ←之

Popular guide book of Shansi

第十七期 廣告刊

↓
為 個人 社會 國家 家庭

事業建設上惟一之參攷書良因山西百政維新

諸可借鏡 敝社萃英擷華年刊一編數年以來荷承

海內外賢達推為山西之寫真晉政之年鑑敝社至為榮

幸十五年的新出版了每册仍售四角寄費七分半 合購前三

期祇售一元五角寄費在內所費有限不啻遊歷山西一

週如承

函購請詳開姓氏地址逕函本社李炳衡君照寄不悞郵

票代現不扣

山西晉民快覽社謹
社址省垣 新城街

上海同德醫學專門學校新同德社
 NEW DUNG-DAI ASSOCIATION
 DUNG-DAI MEDICAL COLLEGE
 MARKHAM ROAD, SHANGHAI, CHINA.

第三十七期 廣告門

新 同 德
 醫 藥 月 刊
 Neue DUNG DAI
 Medizinische Monatschrift

本誌為指導民衆衛生。介紹德國醫藥之刊物。
 內容豐富。印刷精美。定價全年十二册。一元
 五角。郵費加一。茲將二卷一期要目列后——

「論壇」萬惡的舊式婚姻與醫學。醫生的道德論。改革我國醫
 學的澈底辦法。「學說」返老還童之說明。女性美。衛生概論
 男性生殖器虛弱。結婚與肺癆。「醫藥」白濁何時認為痊○。
 中毒概要。新醫治療之種種。梅毒△療法時之副症象及其處置
 法。「問答」問答一束。「常識」打破親善政策。○瘡的自
 述。「文藝」月下吟三章。雲隱恨。雜詩數首。尙有「專載」
 及「新聞」兩欄不備錄。
 定報處 上海同德醫學專門學校新同德社

中華民國十六年六月三十日出版

編輯兼發行所

山西太原省城精營東二道街北首門牌第一號
中 醫 改 進 研 究 會

信 實 進 取 愛 羣

一 意 注

本雜誌每兩月一册全年六册如承訂閱請寄現款郵票代價九五折扣以四分以下者為限但郵票必須間以蠟紙如無蠟紙致不能揭開者不收

表	目	價			
零	半	全	年	年	年
售	年	年	三	六	六
一			册	册	册
			大洋一角五分	大洋四角	大洋八角
費郵	費郵	費郵	一分半	四分半	九分

二 意 注

本雜誌為提倡醫藥學起見凡有著名醫家及經驗良好藥品願登廣告者列表於下

目	價	告	廣		
四	半	全	頁數	價目	
分	頁	頁		兩月一期	半年三期
之	大	大			全年六期
一	洋	洋			
	二	四			
	元	元			
	大	大			
	洋	洋			
	五	十			
	元	元			
	大	大			
	洋	洋			
	八	十八			
	元	元			